

天祿琳琅書目

第三冊

卷五
元版經部
元版史部
元版子部
元版集部

欽定天祿琳琅書目卷五

元版經部

周易本義啟蒙翼傳

一函
八冊

元胡一桂撰四卷前一桂自序

元史胡一桂字廷芳徽州婺源人精於易初饒州德興

沈貴寶受易於董夢程夢程受朱子之易於黃幹而一

桂之父方平及從貴寶夢程學嘗著易學啟蒙通釋一

桂之學出於方平得朱子源委之正宋景定甲子一桂

東武錫氏

年十八遂領鄉薦試禮部不第退而講學遠近師之號
雙湖先生所著有周易本義附錄纂疏本義啟蒙翼傳
諸書並行於世按景定甲子為宋理宗景定五年書中
一桂自序作於皇慶癸丑係元仁宗皇慶二年距景定
甲子已五十有二載其時一桂年已七十矣序稱先君
子惧愚不敏既為啟蒙通釋以誨之愚不量淺陋復為
本義附錄纂疏以承先志今重加增纂又成翼傳四篇
云云是一桂之究心周易克承家學亦非一朝一夕之故

也是書字體版式規仿宋槧亦元刻之佳者

尚書註疏 一函
四冊

漢孔安國傳唐孔穎達正義二十卷前穎達序唐書孔
穎達字仲達冀州衡水人八歲就學誦記日千餘言隋
大業初舉明經高第授河內郡博士補太學助教唐太
宗平洛授文學館學士屢遷至太子右庶子兼司業卒
贈太常卿謚曰憲龜公武郡齋讀書志曰尚書正義二
十卷穎達因梁費彪疏廣之唐儒學傳稱穎達與顏師

古司馬才章王恭王炎撰五經義訓百餘篇號義贊詔
改為正義云雖包貫異家為詳博然其中不能無謬冗
馬嘉運駁正其失永徽中于志寧張行成高季輔就加
增損始布天下藝文志云穎達與李子雲王德韶等撰
朱長才蘇德融隨德素王士雄趙宏智覆審長孫無忌
李勣等二十四人刊定唐史志傳記事多參差此為尤
甚所撰記著人姓氏穎達往不同云云今觀穎達自
序所列撰校之人與藝文志合不知儒學傳何以訛誤

至此是書大字畧仿顏體註字筆畫亦復整嚴惜紙色
稍差未能瑩潔

闕補序三

書集傳

一函
七冊

宋蔡沈撰六卷宋鄒近仁音釋前沈序並尚書纂圖書
傳序共一冊後附書序一篇

宋史蔡沈字仲默建州建陽人元定次子少從朱子游
朱子晚年欲著書傳未及為遂以屬沈洪範之數學者

久失其傳元定獨心得之然未及論著曰成吾書者沈也沈受父師之託沉潛反復者數十年然後成書方年三十時即屏去舉子業一以聖賢為師隱居九峯當世名卿物色將薦用之沈不屑就鄰近仁宋史無傳考江西志近仁字季友饒州人為龍陽丞嘗叩道於楊簡一再語而頓覺性至孝或干以利介焉弗受人告之過斂衽以服所當為雖強禦不畏著有歸軒集此書與宋版纂圖互註毛詩周禮體式相同惟註字參差不齊未能

如宋槧耳毘陵周良金藏本無考

毘陵周氏九松
迂叟藏書記

周印
良金

俱朱文
每冊

詩傳通釋

一函
四冊

元劉瑾輯二十卷前載朱子詩集傳序詩序辨說又詩傳綱領並外綱領

吉安府志載劉瑾安福人肆力治詩其說宗朱子而間出其所得又考正諸國世次作者時世察其源流辨

嘉慶御書
其音韻審詩樂之合窮刪定之由為詩傳通釋一書能
闡發朱子之蘊今按是書以朱子集傳為主而博引諸
家之說分注於下已說則標以愚按二字其綱領首詩
大序次經傳及宋儒論詩之言外綱領首諸國世次圖
次作詩時世圖次源流章句音韻詩樂刪次並引用書
目及諸儒姓氏諸篇與府志所言脗合顧炎武日知錄
云永樂中命儒臣纂修五經大全春秋則全襲元人汪
克寬胡傳纂疏但改其中愚按二字為汪氏曰及添廬

陵李氏等一二條而已詩經大全則全襲元人劉瑾詩
傳通釋而改其中愚按二字為安成劉氏曰其三經後
人皆不見舊書亦未必不因前人也昔日儒臣奉旨編
纂諸書頒餐錢給筆札書成之日賜金遷秩所費于國
家者不知凡幾將謂此書既成可以章一代教學之功
啟百世儒林之緒而僅取已成之書抄謄一過上欺朝
廷下誑士子唐宋之時有是事乎朱彝尊經義考云永
樂中胡廣等攘其成書為大全今以大全較之輯注微

有增損小序則通釋附於每篇之後大全冠於全書之首並加以圖二十有三為稍異耳又引黃虞稷曰瑾字公瑾安成人按安福縣在漢時為安平安成二縣境元成宗元貞間嘗升為安福州安成蓋古邑名故瑾亦自署為安成虞稷第沿而未考耳書中詩傳綱領首葉於劉瑾署名次行有建安劉氏日新堂校刊九字卷一末又有至正壬辰仲春日新堂刻梓木記考至正壬辰為元順帝十二年劉氏未詳其名想亦當時書賈也

本朝劉體仁藏本有印記體仁字公戡江南潁州人順治乙未進士官吏部考功郎著有蒲菴集餘印無考

一監亭主人

朱文

希夔

白文
每冊

劉體仁

白文
序

公戡

朱文
外綱領

穎川劉考功藏書印

朱文 綱領 卷四
卷十 卷十六

欲訥子

白文
卷四

禮經會元

一函
四冊

宋葉時撰四卷前元潘元明序時家傳六世孫廣居識

葉時宋史無傳考咸淳臨安志及嘉靖浙江通志載時
仁和人淳熙十一年甲科累官至龍圖閣學士卒謚文
康著有禮經會元竹野集又兩浙名賢錄載時字秀發
博學善屬文尤邃於周禮為學者所宗晚居嘉興悉與
書首家傳昭合宋史藝文志及龜公武陳振孫馬端臨
諸人書目皆不載是書書中廣居識語稱滎陽公敦古
尚治命鉅梓以不朽其傳云云則知此書在宋時並未
刊行故不顯於世滎陽為潘氏郡望前有海陵潘元明

序作於至正乙巳按乙巳為元順帝二十五年其結銜
稱滎祿大夫江浙行省右丞兼同知行樞密院事考元
史無元明傳明史太祖本紀載順帝二十六年十一月
李文忠下餘杭潘原明降凌迪知萬姓統譜載潘原明
秦州人初與張士誠俱起藍徒為浙江行省平章守杭
州李文忠師至錢塘原明全城歸降士誠由是勢孤兩
書皆作原明與序中元明元字音同字異第結銜相符
其時亦合且秦州自南唐以前皆稱海陵郡元明之為

泰州人信而有徵其即一人無疑成化杭州府志載廣居字居仲仁和人天資超邁才力絕人為古文詩詞援筆立就仕至浙江儒學副提舉所著有自得齋集書首有大中丞印無考

大中丞印

朱文序

闕補卷四

五十一之五十三

儀禮圖

一函八冊

宋楊復撰十七卷後附儀禮旁通圖一卷前載朱子乞修三禮奏劄復自序陳普序

朱彝尊經義考載是書引明曾榮曰楊復因朱子之意取儀禮十七篇悉為之圖制度名物粲然畢備以圖考書如指諸掌西山真德秀稱為千古不刊之典焉又引桂萼曰儀禮經朱子考證已定楊復圖尤為明便其文雖屬難讀然因圖以指經因經以求義斯了然矣凌迪知萬姓統譜載復長溪人受業朱子與黃幹相友善著

祭禮十四卷儀禮圖十四帙又有家禮雜說附著二說書首復自序稱復業從先師朱文公讀儀禮求其解而不可得則擬為圖以象之今所圖者則高堂生十七篇之書也釐為家鄉邦國王朝諸禮則因先師經傳通解之義例也附儀禮旁通圖於其後則制度名物之總要也云云序作于紹定戊子按戊子為宋理宗紹定元年後有陳普序未詳其人刊刻體式亦仿宋版而紙質黝厚非宋製也

附釋音春秋左傳註疏

六函
六十冊

晉杜預註唐孔穎達疏陸德明音義共六十卷前穎達春秋正義序

崇文總目春秋正義唐國子祭酒孔穎達撰此書名曰附釋音春秋左傳註疏蓋仿宋版監本附音春秋公穀二書之例然元時監本已不逮於宋而此乃屬坊刻宜其又遜一籌矣

闕補卷五十七

二十卷五十八二十八之卷六十二十九

春秋諸圖統記

一函
六冊

元齊履謙撰六卷前元吳澄序履謙自序後齊思恭跋
元史齊履謙字伯恒父義善善算術履謙生六歲從父至
京師七歲讀書一過即能記憶年十一盡曉推步之法
十三從師聞聖賢之學自是以窮理為務非洙泗伊洛
之書不讀至元間授星歷教授大德中遷保章正仁宗
即位嘉尚儒術擢國子監丞改授國子監司業與吳澄
並命時號得人未幾以履謙僉太史院事至延祐元年

復為國子司業後拜太史院使卒於官至順三年贈翰
林學士資善大夫上護軍追封汝南郡公謚文懿吳澄
字幼清撫州崇仁人舉進士不第以元明善薦除江西
儒學副提舉繼以國子監丞遷司業英宗即位超授翰
林學士進階大中大夫移疾歸年八十五卒贈江西行
省左丞上護軍追封臨川郡公謚文正履謙此書成於
延祐四年乃復為國子司業時所作其書始魯終吳合
二十國而附錄諸小國亡國於後澄曾與履謙同官深

知其學因為之序朱彝尊經義考載是書有柳貫跋此
本無之而有思恭跋又經義考中所無思恭元史無傳
跋稱履謙曰大兄司成君則知為履謙之弟書中有禮
部官書朱文長印與宋版通鑑紀事本末書中所鈐符
合似亦明永樂間所採之本也
琴川毛氏藏本

元本

甲

俱朱文
澄序

汲古
主人

朱文履謙序
卷四

毛晉
之印

朱文履謙序

汲古閣

朱文
目錄

毛氏朱文卷一
子晉卷五

東吳毛氏圖書

朱文卷一
卷二卷六

毛晉私印

朱文卷二
卷三

子晉書印

朱文卷二
卷六

子晉閣

汲古閣

俱朱文
卷四

毛晉之印

朱文
卷六

弦歌草堂

白文

汲古得
修綆

朱文
思恭跋

九經

三函
十二冊

周易尚書毛詩春秋禮記孝經論語孟子爾雅小爾雅
附中庸大學重出各經序文傳註俱不載此書專刻經
文無校刊人姓名亦不載鏤版年月易經後有識語云

茲刻易文諸卦皆仿乾卦或疑之曰分經分傳以別篇
卷分經合傳以便贊釋此古文今文各有所取茲不然
者何也曰古文別而病其離今文便而病其碎此程朱
傳義所以更張不一者也茲使義文周孔之易別而不
離便而不碎殆古人玩易之舊也漢儒分經合傳爻辭
不可相屬傳贊亂其成韻矧象曰之綴疊僭妄不稽尤
不若古文之可安也曰漢儒之僭妄何稽乎曰以乾卦
也又學庸後識語云學庸本二戴類編之經二程揭出

示要領也今刻古文一仍其舊而二篇重出便四書之
尚也至善堂記按至善堂當是書賈坊名其專刻經文
蓋取便於行篋所携亦仍宋槧中箱九經之意刊手印
工雖非草率而欲如巾箱本之密行細字倍見精瑩者
已出其下矣

大學衍義

四函
二十冊

宋真德秀撰四十三卷前德秀進表劄子申狀并序
宋史德秀字景元後更為景希建之浦城人登慶元五

年進士第繼中博學宏詞科由太學正累官至參知政事三乞祠祿進資政殿學士提舉萬壽觀兼侍讀卒謚文忠其自泉州入為戶部尚書時以太學行義進上嘉納之德秀申狀稱端平元年十月初二日進入次日後殿聚講論所進大學行義一書有補治道旋於十四日輪當進讀大學章句既畢忽蒙聖訓卿所進行義便合就今日進讀德秀私謂前所進本已納禁中必須令講筵所別寫然後可以進讀遂以未辨為對聖訓云已在

此矣即見內侍捧元進第一第二帙在前云云則理宗之重是書亦已至矣此本規仿宋槧摹印俱工實元版之最佳者惜紙質堅而未緻耳

御題大學八條著為聖經而真西山行義一書首剏聖賢性命之精旁采古今治亂之迹發揮經術燦若列眉誠孔氏之功臣也坊賈傳刊率多訛繆此書雕鏤精善尚屬元刻舊本每一披覽心目豁然藉是或得仰窺聖奧用臻治理則補裨寧有涯涘耶甲子小春下澣御識鈴

寶三日幾暇臨池日稽古右文之璽日讀書析理

東宮書府印無考

東宮書府

朱文表卷五卷十卷十四卷十九卷二十三卷二十八卷三十三卷三十九卷四十二

樂書 六函 三十六冊

宋陳暘撰二百卷前宋楊萬里序次暘進表并序次趙挺之請寫錄樂書劄子准行詔旨樂書目錄正誤樓鑰序陳芾題辭後陳岐林于冲二跋

陳振孫書錄解題曰樂書二百卷秘書省正字三山陳暘撰建中靖國初進之為禮書陳祥道其兄也其書雅俗畢備博則博矣未免於蕪穢也考宋史陳暘字晉之福州人中紹聖制科授順昌軍節度推官徽宗初進迂衡集以勸導紹述得太學博士秘書省正字進鴻臚太常少卿禮部侍郎以顯謨閣待制提舉醴泉觀建中靖國元年趙挺之劄子稱暘所著樂書卷帙既多無力繕寫臣欲乞依祥道例特賜筆吏畫工寫錄圖畫進獻云

云徽宗從之並以詔書褒賜有成書甚富衆論所稱差進厥官以為爾寵之語宋史挺之字正夫密州諸城人進士上第由登祿二州教授累官至右僕射卒謚清憲樓鑰序云樂家之書未有此比而又苦其舛誤無所考證聞建昌陳史君刊此書與禮書並傳取而校正佛為質之經傳尚三數百條會陳子希為南豐宰因以寄之南豐欲別刊此編以補郡本之缺求書其後云云其序作於嘉泰二年所稱陳史君即作跋之陳岐跋作於

慶元己未按己未為宋寧宗慶元五年至七年改元嘉泰是此書在徽宗時祇經寫錄逮岐始為刻梓而希又別刊之三年之中兩付剞劂矣此本字多俗體如禮作禮興作之類雖係元翻宋刻而筆畫清朗紙墨俱佳固元刊之傑出者也宋史樓鑰字大防明州鄞縣人隆興元年試南宮有司偉其辭藝欲以冠多士策偶犯舊諱知貢舉洪遵奏得旨以冠末等由温州教授累官至參知政事卒贈少師謚宣獻陳岐陳希林子冲宋史俱

無傳凌迪知萬姓統譜林子冲字通卿自號岫雲居士
侯官人之奇從子學問德業有聲鄉里間士宗之者數
百人淳熙中登進士第初為南豐簿時郡守陳岐欲修
二陳禮樂書以子冲大儒之後延以特榻冲隨文釋義
訂正頗多書中有禮部官書朱文長印似亦為明永樂
間所採輯者

御題宋陳暘樂書二百卷與其兄祥道所著禮書並傳於世
其間網羅放失參攷古今損益之故犁然具備而女樂一篇

尤足垂千古炯戒楊萬里序中特著明之意深遠矣幾暇間
披有資君德夫豈獨雕鏤精好輝映東壁耶乾隆甲子秋分
後二日御題鈴

寶二曰稽古右文之璽曰乾隆宸翰

說文解字

一函
六冊

漢許慎撰宋徐鉉校定三十卷前標目一卷第十五卷
上載慎原序次說文解字總部十五卷下載許慎之子
許冲進表次徐鉉等進校定說文表又新修字義并鉉

等進校定說文解字表勅校定說文解字牒文
馬端臨文獻通考引鼂公武曰漢太尉祭酒汝南許慎
叔重纂李陽冰刊定徐鉉再是正之又增加其闕字陳
振孫曰凡十四篇并序目一篇各分上下卷凡五百四
十部九千三百五十三文重一千一百六十三雍熙中
右散騎常侍徐鉉奉詔校定以唐李陽冰排斥許氏為
臆說未有新定字義三條其音切則以唐孫愐韻為定
考宋史徐鉉字鼎臣揚州廣陵人十歲能屬文與韓熙

載齊名初仕吳繼仕南唐逮宋由太子率更令歷官右
散騎常侍遷左常侍精小學好李斯小篆臻其妙隸書
亦工嘗受詔與向中正葛湍王惟恭等同校說文今書
中鉉進表後結銜四人與史傳合葛湍王惟恭宋史無
傳向中正字坦然益州華陽人孟昶時授崇文館校書
郎復舉進士及第為曹潞二州錄事參軍精於字學古
文篆隸行草無不工太平興國二年獻八體書授著作
佐郎直史館歷官屯田郎中書後雍熙三年勅新校定

說文解字牒文稱其書宜付史館仍令國子監雕為印
版依九經書例許人納紙墨價錢收贖兼委徐鉉等點
檢書寫雕造無令差錯致誤後人云云按宋時監本刻
印尤精此書雖仿其式而版之長短無定紙之質理亦
粗以牒所稱何如鄭重不當有此其為元時翻刻無疑
大明正德十二年四月初八日收頤齋徐獻忠記大明
萬歷六年八月望日收瑞龍龔從先記以上俱右識語
六冊末
二朱彝尊明詩綜小傳徐獻忠字伯臣松江華亭人嘉

靖乙酉舉人知奉化縣及卒友人私謚曰貞憲先生有
長谷集龔從先未詳其人元柯九思盛懋明莫如忠俱
經收藏有印記徐顯稗史集傳柯九思字敬仲台州仙
居人遇文宗於潛邸及即位置奎章閣特授學士院鑒
書博士凡內府所藏法書名畫咸命鑑定鄒衡嘉興志
補盛懋字子昭臨安人僑寓嘉興善畫明史莫如忠字
子良嘉靖十七年進士累官浙江布政使善草書詩文
有體要餘印無考

子 朱文
昭 標目

瑞 白文
父 標目

莫印 白文
如忠

華亭朱克裕
家藏圖書記

朱文 八分

龔徵 民印

悅山

朱文 俱標目 卷三上 卷六上
卷八上 卷十一上 卷十四

獻忠 家藏

朱文 標目

卷三下 卷四上 卷六下 卷七上 卷九下
卷十上 卷十二下 卷十三 牒文

林泉 清趣

朱文 標目 卷四上
卷七上 卷十一上 卷十三

天水

朱文 標目
卷十二上下

徵 民

白文 標目

柯九 思印

白文 卷三下 卷五下 卷七下
卷十下 卷十三 牒文

徐

獻忠 家藏

朱文 卷四上之卷七上
卷八上之卷十五下

仲謀

朱文 卷十上

瑞

徵 民

俱朱文 牒文

大廣益會玉篇

一函 十二冊

梁顧野王撰唐孫強增三十卷前有大中祥符六年都
大提舉玉篇所牒及字数野王序啟各一首玉篇廣韻

指南一卷

此書較宋版大廣益會玉篇尺寸加贏紙色墨光遜其古潔篇目字数兩書相同而此多玉篇廣韻指南一卷按隋陸法言撰廣韻五卷宋陳彭年等重修之其書與玉篇不相涉馬端臨文獻通考載玉篇三十卷像文玉篇二十卷玉篇解疑三十卷重修玉篇三卷未見有於玉篇之下綴以廣韻二字者則此乃強為牽合非復宋槧之舊明矣

元趙孟頫藏本有水晶宮道人印孟頫以湖州四面皆

水自號水晶宮道人解縉春雨集云趙文敏公早歲喜畫梅印以水晶宮圖書浙中有瑪瑙寺或戲以為對遂不用又有鮮于樞仲溫吳寬二泉米萬鍾王鐸錢謙益諸印考陶宗儀書史會要鮮于樞字伯機號困學民漁陽人官至太常寺典簿高啟南宮生傳宋克字仲溫吳人自號南宮生明史邵寶字國賢無錫人學者稱為二泉先生成化二十年進士歷官南京禮部尚書卒贈太子太保謚文莊孫承澤畿輔人物志米萬鍾字仲詔其

先闕中人徙京師萬歷乙未進士仕至太僕寺少卿著
篆隸考論二卷王鐸字覺斯河南孟津人明天啟二年
進士

本朝官禮部尚書吳寬錢謙益見前餘印無考

內殿
秘書
之印

朱文
牒文

御府
圖書

朱文
序

水晶宮
道人

鮮印
于樞

俱白文
牒文

溫仲

隱逸
子

吳寬

俱朱文

米印
萬鍾

白文

王鐸

朱文
俱序首

二泉

朱文

錢印
謙益

白文
俱指南首牒

闕補卷二十三

六書正譌

一函
五冊

元周伯琦撰五卷前琦自序後元吳當序

元史周伯琦字伯溫饒州人幼從父應極游宦京師入

國學為上舍生蔭授將仕郎南海縣主簿洊擢翰林修

撰日被顧問眷遇益隆歷官浙西肅政廉訪使江南行

臺監察御史尋假參知政事招諭張士誠士誠降拜資
政大夫江浙行省左丞後歸都陽卒伯琦博學工文章
而尤以篆隸真草擅名當時嘗著六書正譌說文字原
二書其序稱許慎氏為說文解字學者有所依據李陽
冰附新義以廣其旨徐鉉增翻切以明其音鉉弟錯撰
通釋以衍其義雖或辨其舛戾而猶清以俗體張有次
復古編鄭樵作六書畧戴侗述六書故莫不原於許氏
然張失之拘鄭過於奇戴病於雜間嘗撫字書之常用

而疑似者以聲類之參稽古法集而書之凡二千餘字
名之曰六書正譌以刊傳寫之謬云云今觀書中篆法
深合史籀準繩或即伯琦所自作刊手亦頗得用筆之
妙乃元版中不可多得之本吳當字伯尚澄之孫用薦
者為國子助教預修宋遼金三史除翰林修撰歷官中
奉大夫江西行省參知政事陳友諒陷江西諸郡遣人
辟之當不為屈隱居著書以終其身並見元史

元版史部

史記六函
六十冊

漢司馬遷撰宋裴駙集解唐司馬貞索隱張守節正義
一百三十卷前駙集解序次貞史記索隱序補史記序
張守節正義序論列謚法解
陳振孫書錄解題載史記一百三十卷漢大史夏陽司
馬遷撰宋南中郎參軍河東裴駙集注張晏曰遷沒之
後亡景武紀禮兵書漢興將相年表三王世家日者龜
筮新蒯傳欽列傳元成之間褚先生補作武紀三王世

家日者龜筮傳顏師古曰本無兵書張說非也今按褚
所補皆不足觀其餘六篇未知何人所補也褚名少孫
裴駙即注三國志松之之子始徐廣作史記音義駙本
之以成集解云云又載史記索隱三十卷唐宏文館學
士河內司馬貞撰採摭異聞釋文演注末二卷為述質
為三皇本紀世號小司馬史記又載史記正義三十卷
唐諸王侍讀張守節撰據此則索隱正義二書本各單
行後人取而合之耳是書目錄并以貞所補三皇本紀

居卷一之首尤失其舊版係翻刻宋槧未為工整
闕補卷五 二十三 卷九十二 十四 卷九十七 三十二

史記 六函 六十冊

篇目同前

此即前版而摹印在先較為清朗

闕補集解序 四 卷六十七 六 卷一百十八 八

史記 六函 六十四冊

篇目同前闕集解序

此書亦同前版內有安氏家藏印考常州志安國字民
泰無錫人居積諸貨人棄我取贍宗黨惠鄉里乃至平
海島濬白茅河皆有力焉父喪會葬者五千人嘗以活
字銅版印吳中水利通志又目錄後有表章經史之寶
乃為木刻係別紙所印移黏於此此出書賈作偽之手
不足登載

安氏家藏

朱文 索隱序 卷一

闕補卷四 二卷五 五二十卷八 三十三卷十六 三十四卷
十八 五十一卷二十一 七卷三十五 一卷九十一 八卷
九十七 九卷一百一十六 二十卷一百二十九 四之

史記 六函 六十冊

篇目同前闕索隱補史記正義三序

此書目錄後有大宋紹興五年王氏梅溪精舍鐫刻隸
書木記乃割取別本以黏接者實與前三部同出一版
錫山邵寶安國俱經收藏寶安國見前稿李郁氏無考

馮李 郁氏 家藏

錫山二泉 邵氏家藏

大明錫山 桂坡安 國民泰氏 書畫印

俱白文 集解序

闕補卷十六 二十九

史記 六函 六十冊

篇目同前闕集解序

此係宋印不全之本參入元刻以成完書雖所存者僅
十之二三而宋槧面目猶未盡泯亦足為吉光片羽之
珍也

樂安沂水王應瑞二印無考

樂安沂水鑒藏

天水王應瑞仲祥章

白文卷五十六

闕補卷二二十四五卷十一二卷二十二五卷四十四二十

卷一百三一

漢書

八函八十冊

漢班固撰唐顏師古注帝紀十二卷年表八卷志十卷列傳七十卷共一百卷前師古敘例目錄後元孔文聲跋

孔文聲跋云江東建康道肅政廉訪司以十七史書艱得善本從太平路學官之請徧牒九路令本路以西漢書率先俾諸路咸取而式之置局于尊經閣致工於武林三復對讀者耆儒姚和中輩十有五人重校修補者學正蔡泰亨版用二千七百七十五面工費具載學計

茲不重出始大德乙巳仲夏六日終是歲十有二月廿四日太平路儒學教授曲阜孔文聲謹書跋後列承務郎太平路總管府判官劉遵督工江東建康道肅政廉訪副使伯都提調元史伯都今改正白巴圖幼穎異能不以家世自矜長嗜書史大德五年擢江東廉訪副使累官至江南行臺御史大夫孔文聲劉遵蔡泰亨姚和中俱無考按元史百官志世祖至元二十八年改按察司曰肅政廉訪司後於每道置廉訪使二員副使二員今跋中

所稱廉訪司未載其名不知誰氏又云徧牒九路元使地理志載江東建康道所隸者為寧國徽州饒州集慶太平池州信州廣德八路鉛山一州是鉛山無路之名而所云九路者豈以州為路亦可通稱耶其跋作于大德乙巳係元成宗大德九年考成宗本紀大德九年五月改各道肅政廉訪司為祥刑觀察使十月仍復舊名此書成於十二月稱廉訪司與本紀合當時以百卷之書仲夏開雕逮臘月而即歲事計工不為不速獨惜其

摹印草草較宋刊則遠甚矣
橋李項氏藏本

世濟美堂
項氏圖籍

項子京
家珍藏

俱朱文 叙例
目錄 卷一上下

晉書

四函
三十冊

唐太宗御撰帝紀十卷志二十卷列傳七十卷載記三十卷共一百三十卷後載唐處士何超音義楊齊宣音義序

鼂公武郡齋讀書志曰晉書一百三十卷唐房喬等撰喬以宣武紀陸機王羲之傳論上所自為故曰制旨又總稱御撰馬馬端臨文獻通考引夾漈鄭氏曰古者修書出於一人之手成於一家之學班馬之徒是也至唐始用等手晉隋二書是矣然亦隨其學術所長者而授之如李淳風于志之徒則授之以志顏師古孔穎達之徒則授之以紀傳以顏孔博通今古于李明天文地理圖籍之學所以晉隋二志獨為詳明也此書版式尺寸

與前所載史記相類其字畫紙墨亦同皆一時摹仿宋
槧之本

古史

二函
十二冊

宋蘇轍撰本紀七卷世家十六卷列傳三十七卷共六
十卷前自序後自志

朱子古史餘論曰近世之言史者惟此書為近理其序
言古帝王為善不為不善之意非近世論者所能及而
論史遷以為淺近而不學疎畧而輕信亦中其病又云

蘇氏之學大抵橫邪曲直惟其意之所欲少公資稟靜
厚故此書於一時正見頗明若長公之志林不逮遠矣
陳振孫書錄解題曰其書因馬遷之舊上觀詩書下考
春秋及秦漢雜錄為本紀世家列傳蓋漢世古文經未
出戰國諸子各自著書或增損故事以自伸其說遷一
切信之甚者或采世俗相傳之語以易古文舊說故為
此史以正之云云馬端臨文獻通考載是書後有雁湖
李氏跋今此本無之其非宋槧無疑卷七後別行刊左

迪功郎衢州司戶參軍沈大廉同校勘卷十六後別行刊右修職郎衢州錄事參軍蔡宙校勘兼監鏤版宙無考兩浙名賢錄載沈大廉字元簡瑞安人宋建炎進士歷遷樞密院計議官紹興更化拜監察御史遇事敢言無所顧望給事中周蔡中書舍人凌景夏相繼罷斥大廉俱力言之不報自以不得其言求外補時論翕然重之

闕補卷十八三十九之卷二十八卷一十一三卷三十

六三卷三十七一卷四十四四卷四十二二卷四十九十

卷五十九六卷六十三五

資治通鑑二百八十八冊

宋司馬光撰二百九十四卷胡三省音註前三省序後光進表神宗獎諭詔書并尚書省奉旨下杭州鏤版劄子校定刊進諸臣銜名又附三省釋文辯誤十二卷并跋

龜公武郡齋讀書志曰司馬溫公自謂精力盡於此書

神宗賜名資治通鑑御製序以冠其首云云今此書不載神宗序三省序稱史漢自服虔應劭至三劉註解多矣章懷註范史裴松之註陳壽史雖間有音釋其實廣異聞補未備以示博悉疏其所以然若釋文之舛謬悉改而正之著辨誤十二卷云云是三省此序係專為音註而作故釋文別有跋也通鑑後列光進表并詔書劄子及諸銜名蓋存州杭州初刻之舊其釋文辨誤之作以史焯本公休本費氏龍爪通鑑皆譌謬相傳公休本

刻于海陵亦非公休所作不可不辨故名之曰辨誤考台州府志三省字身之寧海人寶祐間進士終朝奉郎因資治通鑑音義釋文各本乖異刊正為廣註九十七卷著論十卷以薦參賈似道軍言輒不用歸而遇亂失前書復購他本為之注始以考異及所著者散人通鑑各文之下別註辨誤十二卷又有行素稿一百卷按宋史賈似道以德祐元年乙亥免官今書中三省之序作於乙酉年蓋元世祖至元二十二年其跋作于丁亥則

二十四年秘閣之印無考

秘閣之印

朱文 每冊

闕補序文 三卷十二 六十四 十一卷十四 十二卷十五 十卷
 五十三 四卷六十四 五卷六十七 二十二卷二十一 卷
 六十八 三卷七十一 三卷七十二 十七卷七十六 九
 卷八十五 九卷一百三十四 二十卷一百二十五 四卷一
 百四十九 九卷一百七十六 八卷一百八十二 卷一百

八十四 二十卷一百九十八 二十卷二百八十一 卷二百
 十五 卷二百十四 十五卷二百十八 二十五卷二百二
 十一 三十三卷二百二十二 二十一卷二百三十一 一
 卷二百四十四 二十卷二百四十八 五卷二百五十八
 十一 卷二百六十五 九卷二百七十四 五卷二百八十
 二十七 卷二百八十三 二十五卷二百九十三 十卷二百
 九十四 三十

資治通鑑

二百函 一百六十冊

篇目同前有元王磐序

此書即前版而字畫清朗紙質亦較明淨蓋摹印稍先也書首多王磐一序考元史王磐字文炳廣平永年人至大四年擢經義進士第累官翰林學士遷太常少卿以年老屢乞骸骨進資德大夫致仕年九十二卒贈端貞雅亮佐治功臣太傅開府儀同三司追封洛國公謚文忠其序稱朝廷於京師創立興文署署置令丞并校理四員厚給祿廩召集良工剡刻諸經子史版本流布

天下以資治通鑑為起端之首可為識時事之緩急而審適用之先務云云按元史載世祖至元二十七年正月立興文署掌經籍版磐序所言與史脗合則知此書乃元時官刻本也
武陵顧從德藏本從德見前

武

陵

顧印

從德

俱白文 卷一 卷四 卷七 卷十 卷十三
卷十六 卷十九 卷二十二 卷二十五 卷二十八
卷三十一 卷三十四 卷三十七 卷四十 卷四十三

卷四十六	卷四十九	卷五十二	卷五十五	卷五十八	卷六十一
卷六十四	卷六十七	卷七十二	卷七十三	卷七十六	卷七十九
卷八十六	卷八十九	卷九十二	卷九十五	卷九十八	
卷一百一	卷一百四	卷一百七	卷一百十	卷一百十三	卷一百十六
卷一百九	卷一百十二	卷一百五	卷一百十八	卷一百二十一	卷一百二十四
卷一百三十六	卷一百三十九	卷一百四十二	卷一百四十五	卷一百四十八	卷一百五十一
卷一百五十七	卷一百六十	卷一百六十三	卷一百六十六	卷一百六十九	卷一百七十二
卷一百七十九	卷一百八十二	卷一百八十五	卷一百八十八	卷一百九十一	卷一百九十四
卷一百九十七	卷二百	卷二百三	卷二百六	卷二百九	卷二百十二
卷二百十五	卷二百十八	卷二百二十一	卷二百二十四	卷二百二十七	卷二百三十
卷二百三十三	卷二百三十六	卷二百三十九	卷二百四十二	卷二百四十五	卷二百四十八
卷二百五十一	卷二百五十四	卷二百五十七	卷二百六十	卷二百六十三	卷二百六十六

卷二百七十一 卷二百七十四 卷二百七十七 卷二百八十
 卷二百八十三 卷二百八十六 卷二百八十九 卷二百九十二
 釋文辨誤卷一 卷五 卷九 卷三十九

闕補卷二百二十九 二十七 卷二百四十二 二十七 卷
 二百四十六 二十 卷二百八十一 三十 七

資治通鑑綱目 三函 十八冊

宋朱子撰五十九卷元王幼學撰集覽前載朱子及幼
 學序列各一篇

朱子資治通鑑綱目宋時廬陵刊本已載前矣此為幼

學作集覽既成刻梓以行於世者序例後有歲在上章
敦牂孟夏魏氏仁實書堂新刊分書木記魏仁實應是
當時書賈姓字幼學序稱編始於大德己亥迄於延祐
戊午積二十年七易稿而編甫成以其蒼萃叢集頗可
省覽因題之曰通鑑綱目集覽云云是幼學之作是書
用心良苦考安慶府志幼學字行卿望江人博覽經史
宗程朱之學至元間躬耕慈湖之坂與學者講道不輟
時稱為慈湖先生

明厲文暉藏本凌迪知萬姓統譜載文暉名昇無錫人
性狷介與人不苟合以歲貢入胄監授浙江青田知縣
持公秉廉孜孜愛民去二十年邑人猶懷慕其德立生
祠祀之

本朝泰興季氏亦經收藏

溫柔敦厚

錫山厲氏

文暉之章

俱朱文卷九卷二十

朱子序文卷十一卷二十三

卷四卷十三卷二十六

卷六卷十六卷二十九

卷三十三卷四十五卷五十四

卷三十六卷四十八卷五十七

卷三十九卷五十一

卷四十二卷五十二

季振宜藏書

朱文目錄

王序卷一

資治通鑑綱目

六函 五十九冊

宋朱子撰五十九卷前自序

是書綱目並列係照宋廬陵本刊梓然版之尺寸較縮字畫紙墨亦遠不相及此宋槧所為可寶也

明顧仁效藏本考王鏊震澤集有陽山草堂記云顧仁效結廬陽山之下棄去舉子業獨好吟咏兼工繪事坐對陽山柱頰搜旬日不厭或起作山水人物悠然自得人無知者

本朝泰興季氏亦經收藏餘印無考

季滄葦

御史

白文

季印

滄葦

俱朱文

季振宜

朱文

顧印

白文

卷一

卷三

卷九

卷十一

卷十三

卷十五

卷四十四 卷四十六 卷四十八 卷五十 卷五十二 卷五十五

白麻書院山長樂祀校藏

朱文楷書

卷一

卷三

卷九

卷十一

卷十三

卷四十二 卷四十四 卷四十六 卷四十八 卷五十 卷五十二 卷五十五

靜學文房印

朱文

闕補卷四之卷七 全卷五十九 三十四 三十五

資治通鑑綱目 六函 六十冊

篇目同前

此書與第一部同版而墨色少差撫印在其後也施愈收藏印記無考

子中印	施愈	朱文	卷三之卷五	卷七	卷十一	卷十五	卷十五	卷十七	卷十九
			卷三十一	卷三十四	卷三十六	卷三十九	卷三十一	卷三十四	卷三十六
			卷四十四	卷四十六	卷五十一	卷五十二	卷五十四	卷五十六	卷五十八
									卷五十九

通鑑總類 四函 四十冊

宋沈樞撰二十卷前樓鑰序

安吉州志沈樞字持要舉進士調彭澤丞用葉義問薦賜對首論君子小人之辨高宗嘉之除監察御史坐不附楊邦彥獲譴端州尋起温州終太子詹事謚憲敏樓鑰序稱故詹事光祿沈憲敏公取司馬公所著各以事類編之為二百七十一門首日治世日知人終日辯士日烈婦公之季子欲鋟版以廣其傳俾鑰序之鑰晚出試郡永嘉實守蕭規以自免於戾荷公忘年定交又與

公之子游為書卷首云云按宋史樓鑰傳於孝宗淳熙間出知温州以樞起官時考之正不相遠其序作於寧宗元年距官永嘉之日二十餘載是在樞既歿之後也明文徵明文伯仁王寵藏本有玉蘭堂五峯樵客王履吉諸印皆見前

本朝季振宜亦經收藏其用宋本印蓋因樓鑰序中有公之季子守潮陽欲鋟版以廣其傳語然書之字體結構與宋槧本不同且印工墨色亦欠精朗其為優絀固不

能自掩耳餘印俱無考

宋本

朱文
每冊

季振宜
藏書

朱文 序目錄十七冊十九冊
二十冊之三十冊 三十三冊之四十冊

季振宜
字說芳
號滄葦

朱文 首冊之三冊 五冊之十一冊 十三冊十五冊十六冊 古吳 白文 目錄

二十冊之三十一冊 三十三冊之三十五冊 三十八冊 四十冊 王氏 二十一冊

二十九冊 三十七冊

三十九冊 四十冊

御史
之章

季印
振宜

滄葦

朱文
俱目錄

季印
振宜

滄葦 朱文 首冊 三冊 高冊
梅谿精舍 白文 首冊 十冊 十五冊 十九冊 二十四冊 二十六冊 二十八冊
梅華屋 白文 三冊

王印 白文 四冊
履吉 白文 四冊
尊餘堂印 白文 四冊 七冊之二十四冊 二十六冊之三四冊 三六冊之四冊
翠竹齋 白文 五冊 四十冊

五峯 白文 六冊
樵客 白文 十冊 四冊
趙汝師藏書印 白文 七冊 九冊 十一冊 十五冊 十九冊 二十一冊 二十三冊 二十七冊 二十九冊

鏡現齋 白文 七冊 二十三冊 二十三冊 四十冊
玉蘭堂 白文 八冊 十三冊 二十七冊 三十一冊 三十五冊 四十冊
江左

朱文 九冊
春草堂印 白文 十二冊 四十冊
竹塢 朱文 十二冊 十八冊 三十二冊 三十九冊 四十冊

季印 朱文 十四冊
振宜 朱文 十九冊
滄葦 白文 十四冊
毛袁字華伯號 白文 三冊
質卷

闕補卷一 五十卷 三四十

十七史詳節 十二函 九十六冊

宋呂祖謙撰二百七十三卷

宋史經籍志載呂祖謙大事記二十七卷 宋通鑑節五

卷通鑑節要二十四卷又祖謙傳大事記之外載讀詩
記考定古周易書說聞範官箴辨志錄歐陽公本末諸
書皆不及十七史詳節宋龜氏陳氏馬氏書目亦均不
錄惟明焦竑經籍志有呂祖謙十七史詳節二百八十
三卷較此本又多十卷今觀書中標題或稱東萊先生
增入或稱東萊校正而兩漢書及新唐書則標為諸儒
校正體不畫一是此書即為東萊所作亦屬未完之本
其版仿宋中箱本式而刻印草草似是書賈所為故前

後俱無序跋不知焦竑何所據也

明周伯器藏本考嘉興府志伯器名鼎嘉善人正統中
官沐陽典史有桐村疑舫齋土苴集餘印無考

天台下邳 朱白相間文 史記序 目錄 卷上 卷下 漢書目錄
余氏恒齋 網目 卷十 卷十一 卷十二 卷十三 三國志卷一 卷二十
書籍印

晉書目錄 卷一 卷十五 卷十六 卷三十 南史目錄 卷一 卷十五 唐書表
卷二十三 卷二十四 卷二十六 卷二十七 卷四十五 卷四十六 卷六十五 五代史序 卷一

伯器之章

朱文 東漢書卷六

樹連

白文 北史卷二十八

周氏子孫保之

朱文 隋書目錄 卷一 卷十一

闕補史記卷八九卷九八西漢書卷二十十四卷二十

一十五卷二十三卷二十五卷二十九

十七史纂古今通要

一函 六冊

前集十七卷元胡一桂撰子昌祖正音註後集三卷元

董鼎撰前集載元汪良臣序一桂自序並歷代帝王國

都疆理統系傳授三圖

一桂見前此書始三皇終五代未載宋金之事董鼎因續纂以成之其大旨皆本朱子綱目而間採先儒論斷附以己意考江西志董鼎字季亨饒州德興人自幼力學受業於黃幹得其端緒嘗著書傳纂疏以行于世汪良臣無考其序後結銜為承務郎江南行臺監察御史明張南伯藏本南伯吳人金賚畫史會要南伯工墨梅

古吳

張南伯書畫印

俱朱文 汪序 卷十

雲

南伯

俱朱文 卷一

遺孫子

張氏南伯

子孫保之

白文卷九

子孫其永保用

朱文後集卷三

唐國史補一函一冊

唐李肇撰分上中下三卷前肇自序

鼂公武郡齋讀書志曰唐李肇撰國史補起開元止長慶間事初劉餗記元魏迄唐開元事名曰國朝傳記故肇續之考崇文總目於肇國史補外又載林恩補國史六卷高若拙後史補三卷而鼂氏讀書志中皆不載是

當時所重者惟肇所補之書此本密行小字製甚工整雖墨光稍遜而刊手印工咸出上選目錄後有董氏萬卷堂本篆書木記較元槧他書木記獨精此書賈中不苟於刻梓者

御題是書採摭開元至長慶故事以補國史之遺凡三百有六節軼事方言頗資觀覽其間采取各條亦間有載入正史者是序文所云慮正史之或闕非盡闕也其字跡刻畫精能當推為元本之冠乾隆御識鈐

寶二日幾暇臨池曰稽古右文之璽

錢謙益藏本有牧翁蒙叟如來真子天子門生二印

牧翁蒙叟

朱文序卷一

天子如來真子門生

朱文目錄卷一

通典

三函十八冊

唐杜佑撰二百卷前唐李翰序佑自序

龜公武郡齋讀書志曰唐宰相杜佑撰先是劉秩采經史自黃帝迄天寶末制度沿革周禮六官法為正典

三十五篇佑以為未盡因廣之參以新禮為二百篇德

宗時上之考唐書杜佑字君卿京兆萬年人以蔭補濟

南參軍事累官至同中書門下平章事拜司徒封岐國

公卒贈太傅謚曰安簡李翰趙州贊皇人擢進士第調

衛尉張巡死節媚其功者以為降賊肅宗未及知翰傳

巡功狀表上之帝由是感悟累遷翰官至左補闕翰林

學士以病免此書係仿宋刊亦頗得其形似而紙質墨

香則遜矣

收藏諸印無考內京口某氏收藏一印歲久紙蝕並闕其姓

京口
氏藏

朱文
李序

應氏
行敏

白文李序卷三三卷四十一卷六十一
卷一百一卷一百二十五卷一百六十一

依庸
居士

朱文
卷一

闕補卷三十三 九卷四十一 四卷五十三 九卷五十四
七卷九十三 七卷一百四十二 九卷一百四十六 八卷

一百六十九卷一百七十二 三卷一百九十一 二卷一
百九十四 六卷一百九十八 六

通志

二十函
二百冊

宋鄭樵撰二百卷前樵自序元吳縉序並進書疏馬端
臨文獻通考云按此書刊本元無卷數止是逐畧分為
一二耳中興四朝藝文志別史類載通志二百卷其後
敘述云中興初鄭樵采歷代史及他書自三皇迄隋為
書曰通志倣遷固為記傳而改表為譜志為畧則其為

書似是節抄刪正歷代之正史如高峻之小史蘇轍之古史而非此二十畧之書也但二十畧序史後言於紀傳即其舊文從而損益制誥書疏寘之別錄唐書五代史本朝大臣所修非微臣敢議故紀傳及隋若禮樂刑政務存因革故引而至唐云則亦畧言其作書之意豈彼二百卷者自為一書亦名之曰通志而於此序附言其意耶或并二十畧共為一書耶云云今以歷代刊本通志考之係并二十畧為一書共成二百卷並非別有

所謂通志者端臨所見刊本蓋僅有二十略耳是書吳繹序作於元英宗至治二年繹元史無傳其結銜為福州路總管考江西志吳繹字思可信都人泰定間曾守吉州序稱是集梓於三山郡庠北方學者猶未之見迺募僚屬捐已俸募印五十部散之江北諸郡云云疏後別行載至治三年九月印造則知此本亦非吳繹所刊當屬元初開雕於閩中者也

闕補卷五上

二十七

卷五下

三十

卷六下

二十七

卷七

十六

四卷十上九七十卷十五下九三十卷六十三八三十卷六十
 五二十卷六十七五十七卷六十八三十三卷六十九
 五十卷七十七七十卷八十一六十三卷八十二三十卷八
 十三二十九十二三十卷八十五八十二卷八十八四
 卷九十二二卷一百三十六卷一百三十一卷一百五十三
 三四卷一百七十七十一卷一百八十五十九卷一百十
 三十三卷一百七十五四十四卷一百五十五卷一百一十下
 二六十九七十五四十七卷一百一十下百
 二卷一百十五九十五卷一百十八一十三四十四卷一百

二十七^四卷一百三十三^八卷一百三十四^{二十}
 卷一百三十五^三卷一百三十八^四卷一百四十五
 十卷一百四十六^五卷一百四十七^九卷一
 百五十一^七卷一百五十三^八卷一百五十五^六卷
 一百五十六^二卷一百五十七^七卷一百六十
 二十卷一百六十五^七卷一百七十三^二卷一百七十
 七^三卷一百八十一^六卷一百八十七^九卷一
 百九十二^五卷一百九十五^三

通志 三十二函 三百二十冊

篇目同前前樵自序

此書即前版而闕吳繹之序與疏或是書賈去之以偽

充宋槧也

闕補目錄 一百卷六上 八十三卷七 七十卷十上 六卷

十下 六十五卷十八 三十一卷二十三 六卷四十二 三十

卷四十二 三十九卷六十七 五十七卷六十八 三十三卷

七十二 二十三卷七十九 五卷九十三 八十一卷一百

七十七卷一百八十五 六十三卷一百十九 三十三
三十三卷一百五十五 卷一百二十九 七卷一百三十三 九
三十五卷一百一十二 卷一百一十九 七卷一百三十三 九
一百四十六 三十一卷一百四十七 六十三卷一百五十五
一卷一百五十六 三十三卷一百六十三 三十三卷一
百八十六 八十四卷一百八十七 八卷一百九十五 三十
卷一百九十六 九十六

通志 十二函 一百一十冊

欽定天祿琳琅書目

卷五

四十七 東武錫氏

篇目同前前樵自序元吳繹序

此書有繹序而闕其疏字畫較前二部清朗印工差善

闕補吳繹序一目錄十一卷十九卷二十五卷五

十四卷二十卷七十三卷八十三卷九十一卷

一百十四卷三十三卷一百十五卷四十七卷一百二十

五三十五卷一百二十九卷九十九卷一百四十七卷

百六十三卷一百九十一卷一百九十三卷

一百九十五卷

宋名臣言行錄

十函
六十冊

前集十卷後集十四卷宋朱子撰李衡校正前朱子自

序李居安續集八卷別集十三卷別集下十三卷外錄

十七卷宋李幼武撰趙崇璫序外錄前有道統傳授圖

并程頤司馬光尹焞楊時李侗朱子張栻呂祖謙諸像

陳振孫書錄解題載八朝名臣言行錄二十四卷稱朱

子以近代文集及傳記載本朝名臣言行撮取其要輯

為此書前五朝五十五人後三朝四十二人云云按前

集始趙普終蘇洵自太祖以至英宗固為五朝矣而後集始韓琦終陳師道由仁宗以至徽宗亦五朝合兩集而名為八朝則可如專指後集為三朝則不可也故李幼武於後集亦標五朝而其所纂續集別集外錄則標皇朝以別之幼武此書宋人諸書目中皆不採入惟明焦竑經籍志載朱子宋名臣言行錄七十五卷與是書卷數相符即係幼武合輯之本竑不標五朝而統之以宋是矣然以七十五卷盡屬於朱子又何其漫不加考

耶幼武所纂續集別集及別集下皆載名臣而外錄則專為道學統宗而設考宋史宗室世系表崇鈺為太宗長子漢王元佐九世孫序稱外孫李士英頃以八朝名臣言行錄鈔梓又於中興四朝諸名臣蒐閱行事集為全編云云士英乃幼武氏而宋史無幼武傳其爵里俱不可考序朱子名臣言行錄之李居安江西志載為廬陵人登寶慶二年丙戌進士其校正之李衡宋史載為江都人字彥平登進士第由吳江主簿歷官秘閣修撰

致仕定居崑山結茅別墅杖屨徜徉聚書萬卷號曰樂菴幼武編輯既成曾自刻梓而此本字畫不勻紙墨倉黝係元時翻刻非宋槧也
明焦竑藏本有弱侯印見前餘印無考

震宮
育德

大德
少陽

中山靖
王子孫
永保

俱朱文
李序
卷一

弱侯

自序
李序
卷八續錄

秦

白文
別集
後集
目錄
卷六

闕補後集卷十三
十一
十四
卷十四
一
六
三
別集卷七
一
別集下卷一
一
外錄卷十二
二十七
二十七

五朝名臣言行錄

二函
二冊

前集十卷後集十四卷宋朱子撰李衡校正前朱子自序李居安序

此朱子所輯前後集單行之本振孫所指即為是書獨惜非宋槧耳

闕補後集卷四
六

自警編

二函
十冊

宋趙善瑯撰不分卷前善瑯自序

歙縣志趙善塲字德純宗室趙不俄兄不彼之子登嘉定進士第嘗謂縉紳不明大法九章無以斷疑未幾中法科除大理評事後通判廣德軍有政聲召為尚書郎著自警編行世善塲序作於寧宗嘉定十七年其書皆輯宋名臣言行分類紀之首以事君終言操守序稱越三年而後成編亦深於克治者矣書中字體規仿顏柳刻工未始不善而墨蹟紙麤決非宋本
徐元明俞立初收藏二印無考

徐氏

朱文八分書
一冊三冊六冊

俞氏

白文一冊
三冊四冊

東海氏圖
書印

朱文四冊
五冊

在家
玉柱間

白文
四冊

闕補序文一首冊七

山海經一函
四冊

十八卷前漢劉秀進書表晉郭璞序

鼂公武郡齋讀書志曰劉秀表言禹別九州而益等類物善惡著此書皆聖賢之遺事古文明著者也大父嘗考之於書有曰長沙零陵雁門皆郡縣名又自載禹鯀

似後人因其名參益之陳振孫書錄解題曰漢侍中奉
車都尉臣秀所校秘書秀即劉歆也世傳禹益所作其
事見吳越春秋恢誕不典司馬遷曰言九州山川尚書
近之矣至禹本紀山海經所書怪物余不敢言之也可
謂名言然古今相傳既久始以冠地理書之錄此本字
仿歐體用筆整嚴刻手雖未能盡得其妙而摹印清朗
在元刻中洵為善本

御題山海經一書流傳最古而近世無善本是本筆法刻畫

清峭當為元版之佳者明吳郡黃氏省曾曾合刊水經山經
為上下集其字跡彷彿相同蓋以是刻為藍本也乾隆御識
鈐

寶二曰稽古右文之璽曰乾隆宸翰

本朝樵李曹溶藏本考嘉興府志曹溶字潔躬號秋嶽秀
水人崇禎丁丑進士官御史

本朝順治間歷副都御史戶部侍郎出為廣東布政使左
遷山西陽和道杜元夫印無考

杜氏

元夫序

曹溶私印

白文

躬潔

朱文卷一

闕補卷一七

博古圖

四函二十冊

宋徽宗御撰三十卷

陳振孫書錄解題曰宣和殿所藏古器物圖其形象而記其名物錄其款識品有總說以舉其凡而物物考訂則其目詳焉此書係仿宣和舊刻前後序跋俱無惟每

卷首行標題冠以至大重修四字按至大為元武宗年號書中字體圖式規模畧具而不能工整非元刻之佳本也

達觀樓收藏印無考

達觀樓圖書印

朱文卷一 卷四 卷七 卷十 卷三 卷六 卷九 卷五 卷五

闕補卷一 四 十 卷二 三十 卷六 四 卷七 十五 卷十 四 三 十六 三 卷三 二 三十 卷十九 九 卷二十八 二 卷二十九 三 二十 卷三十

六
二十五
博古圖
四函
三十冊

篇目同前

此書與前版同紙色較潔而質之勻緻亦過之

闕補卷十六
九
二十卷二十三
六
三十卷二十五
五
卷二十

九
四十

博古圖
六函
三十冊

篇目同前

此書規仿舊刻縮其方幅前後無序跋而每卷首行標以博古圖錄考正則必有其人因取是刻他本校之前有遂州鄭樸序卷一總說後有樸題跋稱宣和博古圖錄一書舊刻卷帙頗大雖度置無妨而囊攜稱苦予始改冊減圖凡摹式花紋款識銘籀則不敢遺舊刻錙黍也至若名物之稍乖器目之不協字釋之或訛剝泐之或缺具參覈元本多方訂正或可以秘蔡帳而內中箱乎云云此本卷一總說後尚有別紙接補之痕可知為

後人割去第樸序自紀年月為宣和五年十月朔而序首乃云粵稽趙宋時維宣和且中多詆毀徽宗之語考徽宗本紀以宣和七年傳位欽宗豈有以當時臣民敢肆然詆毀其君而並付之剖劓者况其序若作於宣和又何以粵稽時維作追述之語乎歷考宋元以來正史并各載記之書皆無所謂鄭樸者似是樸有此書刻之者欲偽充宋本妄於序中題以宣和年月而獲此本者閱序中所言亦知樸非宣和時人又割去以為偽充之

地耳樸無可考姑附於元版博古圖後以俟參訂

元趙孟頫鮮于樞明都穆吳寬文嘉俱經收藏孟頫樞寬俱見前考蘇州府志都穆字元敬吳縣人宏治己未進士歷禮部主客郎中加太僕少卿七歲能詩及長泛濫羣籍奉使至秦中搜訪金石遺文作金薤琳琅錄文嘉字休承徵次子以貢為湖州廣文善書畫餘印無考

趙

朱文卷一
卷三

松雪齋

朱文
卷之三

張氏
擇善

朱文卷一 卷二十
卷三 卷六 卷三

吉父

朱文卷一之十一卷十三
之二十六卷二十八之三十

桂坡安國賞鑑

朱文卷一之十一卷十三之十七卷二十
卷二十三卷二十七卷三十

停雲

朱文卷一

錢氏彦春

朱文卷一
卷三十

都穆

白文

吳寬

原博

俱朱文卷一
卷三十

困學齋

朱文卷一

趙孟頫印

朱文卷一之三
卷五之三十

楊氏家藏

朱文

文氏休承

白文卷一
卷三十

闕補卷十二卷二十一

欽定天祿琳琅書目卷六

元版子部

纂圖分門類題註荀子

十一函
十冊

周荀况撰三十二篇唐楊倞注分二十卷前載楊序并
新增嚴澤編集荀子事實品題一卷不著纂人姓氏又
宋陳傅良輯荀子門類題目一卷

此當時帖括之書也其門類題目一卷於標題
行刊永嘉先生陳傅良編所分門類始曰天地終曰五

常共四十門末又附拾遺并事要總類二條皆擇書中之可作題目者分類摘句以取便於觀覽卷後別行刊麻沙劉通判宅刻梓於仰高堂十二字卷一之後亦於別行刊閩中劉旦校正所謂劉通判者當即是人第書首標題為纂圖分門類題注荀子書前仍當有圖蓋已失之矣至所載荀子事實品題一卷觀其識語稱舊本荀揚圖說不過具文今得嚴澤堂編次品題凡卿雲事實顛末歷歷可考云云則是荀揚合刊之書非此本中

所應有乃書賈割取荀子事實以冠於書首耳且書中自卷九之卷十三及卷十五共六卷標題祇稱荀子卷十六卷二十兩卷標題又稱監本音註荀子書名既不畫一板式亦復懸殊係以三刻湊成一書其標稱荀子者撫印甚精紙墨俱佳實為宋槧餘則元時所刊遠不相及然宋本流傳者久少今尚存吉光片羽於元刻之中雖出湊合亦可寶也

明文徵明毛晉藏本

本朝泰興季氏亦經收藏

季振宜藏書

朱文 墨印 事實品題 門類題目
卷一卷四卷七卷十卷十二卷五卷九

江左

朱文 事實品題

子晉氏

朱白間文

毛表

朱白間文

玉蘭堂

白文

辛夷館印

朱文 俱門類題

海虞毛表奏叔圖書記

朱文 卷一卷二 卷七卷十

汲古閣

朱文 卷一

毛表私印

白文 卷三

毛表之印

白文 卷四

東吳毛氏圖書

朱文 卷六

別號正菴

毛表奏叔

俱白文 卷九

毛表之印

白文 卷十

叔鄭後裔

白文 卷十

中吳毛表叔收藏書畫記

朱文 卷十

汲古閣藏

朱文 卷四

毛表叔氏

朱文 卷五

汲古閣圖書記

朱文 卷六

西河

白文

毛表之印

朱文 卷九

汲古後人

白文 卷十

河南程氏遺書

八函

宋朱子輯二十五卷附錄一卷外書十三卷後附文集

十二卷又元譚善心輯遺文一卷目錄後有善心識語并朱子辯誤書未載宋趙師耕麻沙本後序李襲之春陵本後序又元鄒次陳虞槃序二篇

譚善心字元之臨川人元史無傳其事蹟不可考所作識語稱程子遺文遺事一卷善心始慮世傳胡氏本猶未盡善而朱子改本惜不可見貞白虞叔近示以所得吳內翰家藏別本乃與臆見脗合用鈔諸梓以與學者共之其朱子與劉共父張南軒辯論所及者悉附著於

目錄之下且為竊考程氏世系譜於十二卷之首云云世系譜此本已闕鄒次陳序稱遺書外書俱出程門弟子手記朱子家藏世所刊本無不同者獨二先生文集出胡文定公家頗有改削朱子定其所當改者數紙屢以書致劉張二公然承舛習訛卒莫之從譚元之因與蜀郡虞槃往復討論以復乎朱子所改之舊焉今觀李襲之春陵本後序祇言遺書外書而不及文集其趙師耕麻沙本後序則稱二程先生文集憲使楊公已鈔版

三山學宮遺書外書則庾司舊有之後俱燬於乙未之火師耕承乏來此亟將故本易以大字與文集為一體刻之後圃明教堂云云按陳振孫書錄解題載河南程氏文集十二卷謂為建寧所刻本載在集部不與遺書合錄子部之中是振孫所指建寧本似為楊公所刊而以一體合刻則自師耕始也考浙江通志師耕黃巖人登宋寧宗嘉定七年進士第其序猶自署古汴者蓋不忘故土之意李襲之無考元史虞槃字仲常隆州仁壽

人集之弟登延祐進士授吉安永豐丞後終嘉魚縣尹西江志鄒次陳字周弼一字悅道宜黃人中博學宏辭科所著有遺安集十八卷史鈔十卷此書校正文集雖足訂別本之訛然撫印草草紙墨皆不求精在元刻中又其次者

書中有趙氏子昂龍門子圖書記進士郡李縣令三印考明史孟頫以英宗至治二年六月卒而鄒次陳序作於至治二年七月譚善心識語作於至治三年九月是

孟頫歿時書尚未經刊行安得其收藏印記進士郡李
縣令一印文義亦不可解觀三印篆法俱極粗劣其為
書賈偽造無疑故不採錄

闕補文集卷八全

近思錄

一函
四冊

宋朱子呂祖謙同輯十四卷宋葉采集解前采序並進
書表目錄後載朱子祖謙識語二篇

陳振孫書錄解題馬端臨文獻通考皆載近思錄十四

卷而不及葉采集解明王圻續文獻通考載近思錄有
何基發揮戴亨補註柳貫廣輯黃績義類諸書亦不載
此本考宋史無葉采傳凌廸知萬姓統譜稱采字仲圭
成都人初從蔡淵受易學已而往見陳淳淳以其好躐
高妙而少循序就實工夫屢折而痛砭之采自是屏斂
鋒鋠駸趨著實淳深喜之理宗寶慶初為秘書監嘗論
郡守貪刻之害上嘉納之今觀書中進表係淳祐十二
年表後結銜為朝奉郎監登聞鼓院兼景獻府教授距

作秘書監時已歷二十八載迪知乃未經考及耳集解之作蓋在黜浮崇實之後序中有研思積久踰三十載義稍明備之語用心亦良苦矣此本係仿宋刊而紙質不免麤黝之病

闕補卷二三十五卷九十六

近思錄一函三冊

篇目同前闕葉采序

此本版式較大紙質亦極堅緻勝於前本

闕補卷一四卷十十一卷十四十三之

朱子語類八函九十六冊

宋黎靖德輯一百四十卷前載宋黃幹李性傳蔡抗吳

堅黃士毅魏了翁王佖諸序并語錄姓氏門目目錄後

靖德識語二篇考訂九條

馬端臨文獻通考載李道傳輯晦庵語錄四十六卷其

弟性傳又輯續錄四十六卷王圻續文獻通考載文公

語類一百三十八卷乃黃士毅所序次者今接靖德識

語稱李道傳刊語錄於池李性傳刊續錄蔡抗刊後錄皆於饒是為三錄黃士毅輯語類刊於蜀王佖作續類又刊於徽是為二類凡五書靖德合而參校之削其複者一千一百五十餘條云云是靖德所見者博而所採者精也凌迪知萬姓統譜載靖德永嘉人為沙縣主簿攝縣事清謹善理繁劇博學能文嘗修沙陽志此書字畫不工紙麤墨黯乃元時坊刻之本
攜李項氏藏本

本朝黃虞稷亦經收藏按虞稷字俞邵晉江人康熙間以諸生預修明史食七品俸一時以為榮

墨林項氏
秘笈圖書

朱文

黃印
虞稷

白文

俞邵

朱文
每冊

闕補卷三十三
卷九十四
卷九十五
卷一百一十一
卷一百二十一
卷一百二十八

六十一
二
卷三十五
二十七
卷八十一
三十一

朱子語類
二十四函
二十四冊

篇目同前前有宋王栢序

此與前部同出一板撫印之時亦不相遠而此書多王
栢序序作與宋咸淳乙丑稱靖德編校成書文公之遺
語大備是栢序專為此書而作前部無之當屬闕佚第
栢序紙色與全部深淺迥殊似非一時所印或由取資
於別本耳

道命錄

一函
一冊

宋李心傳輯元程榮秀釐正分十卷前心傳序宋朱申
序榮秀序

考宋史李心傳字微之隆州井研人慶元二年薦於鄉
既下第絕意不復應舉閉戶著書晚因崔與之魏了翁
等之薦為史館校勘賜進士出身累官至工部侍郎以
言去奉祠潮州淳祐三年致仕卒載所著成書甚多內
有道命錄五卷心傳自序係作於理宗嘉熙三年朱申
之序乃淳祐十一年知江州時為之刻梓而作其書尚
仍五卷之舊榮秀序稱道命錄五卷刻梓在江州燬於
兵榮秀嘗得而讀之疑為初稿尚欲刪定而未成者齋

居之暇畧加釐正彙次為十卷重刻於龜山書院而識其後云云書中第十卷末附宋理宗淳祐以後贈恤指揮二篇制詞三篇標為續增又元文宗天歷以後請加封狀并部議二篇贈恤制詞五篇標為新增乃榮秀所補錄者當時刻手印工咸出上選紙潔墨瑩幾與宋槧無異誠元刻之佳本也榮秀序闕末數行以明萬歷間丁元薦刊本校之榮秀姓程新安人序作於至順四年結銜為奉直大夫江浙等處儒學提舉惜宋史無榮秀

傳新安志亦未載其事蹟不可考序末數行今依元薦本補錄

御題道命錄十卷宋嘉熙間編次瀆洛闕閩五先生進退黜陟之所由而終以謚議贈卹制詔元時重刻於龜山書院則又續增作書後所有事實及元代追崇典冊之文也其云道命者蓋言道之行與廢皆命云爾此書猶是元龜山書院初本乾隆甲子秋日鈐

寶二曰乾隆宸翰曰幾暇臨池

朱卧菴吳岫收藏諸印無考

朱卧菴

朱文李序卷三
收藏記 卷七上卷六

姑蘇吳氏家藏

朱文卷一

留耕堂印

白文卷二
卷六卷七

類編標註文公先生經濟文衡一函六冊

宋馬括輯前集二十五卷後集二十五卷續集二十二

卷共七十二卷前宋黃昇序括自序

馬括宋史無傳宋人諸書目亦不載是書其序作於淳

祐辛亥按辛亥為宋理宗淳祐十一年書中蓋取朱子

所著論者類而編之加以標註黃昇序稱括字曰季機而未詳其爵里昇宋史亦無傳著有中興詞選字曰叔暘號曰玉林又號花庵胡德方為之序稱其早棄科舉吟咏自適秋房樓公以泉石清士目之馬括當時纂輯此書似未刻梓是本前集總目後有時泰定甲子春刊於梅溪書院木記按泰定甲子為元泰定帝御極之元年板式係仿宋中箱本而未能如宋槧之工也

類編標註文公先生經濟文衡一函六冊

篇目同前

此書即前版梅印亦出一時

周大訓印無考

濂溪

朱文

周印

白文前集卷一卷六卷十三卷二十後集卷一
卷九卷十五卷二十續集卷一卷七卷十二卷十七

詳註東萊先生左氏博議一函四冊

宋呂祖謙著二十五卷前祖謙自序

祖謙序以左氏博議為諸生課試而作故當時付刊仿

中箱本之式書中無刻梓年月亦不載作註人姓氏觀其紙黝墨黯乃元梅宋槧而不能工者也

元趙孟頫藏本明陳繼儒徐渭亦經收藏孟頫見前考

明史繼儒字仲醇號眉公松江華亭人為諸生與董其

昌齊名年甫二十九取儒衣冠焚之隱居崑山之陽後

築室東余山杜門著述工詩善畫年八十二卒徐渭字

文長號天池生山陰人為諸生有盛名嘗自言吾書第

一詩次之文次之畫又次之

眉序

朱文松

天池居士

自序俱目錄卷二卷三卷五卷七之卷十四
卷十六卷十八卷二十卷二十四卷二十五

胡子知言 一函 一册

宋胡宏著一卷後錄一卷前宋張栻序

宋史胡宏字仁仲建寧崇安人安國次子初以蔭補右丞務郎不調秦檜當國貽書其兄寅問二弟何不通書意欲用之宏書辭甚厲人問之宏曰正恐其召故示之以不可召之端檜死宏被召竟以疾辭著書曰知言張

栻謂其言約義精道學之樞要制治之著龜也按張栻嘗從宏遊其序作於孝宗乾道四年極推崇之意朱子語錄有曰因與諸子論湖湘學者崇尚胡子知言曰知言固有好處然亦大有差矣如論性往與告子湍水之說生之謂性之意有相似處云云而呂祖謙謂知言勝似正蒙則又過於稱許焉此書兩卷後別行皆刻後學天台吳堅刊於福建漕治考宋史無堅傳浙江通志載堅仙居人登淳祐四年甲辰進士第歷官至端明殿

學士此書係元時翻刻雖不能精而宋槧規矩猶存尚屬元版之佳者

本朝商邱宋犖藏本有緯蕭草堂印按犖作西陂雜詠詩有緯蕭草堂一篇其子至曾取以名其集

緯蕭草堂藏書記

朱文
冊末

困學紀聞

一函
六冊

宋王應麟著二十卷前應麟自識元年應龍素梅序後

陸晉之序

考宋史王應麟字伯厚慶元府人九歲通六經淳祐元年舉進士寶祐四年又中博學宏辭科歷官禮部侍郎尋轉尚書兼給事中左丞相以留夢炎用徐囊黃萬石等遂東歸後二十年卒所著書甚多困學紀聞其一也
年應龍序作於元英宗至治二年素梅序作於泰定帝泰定二年元史列傳應龍字伯成其先蜀人後徙居吳興應龍幼警敏日記數千言擢咸淳進士第賈似道招

之拒不見不得真上第調光州定城尉沿海制置司辟
為屬以疾辭不仕而宋亡矣已而起家教授溧陽州晚
以上元縣主簿致仕泰定元年卒年七十八素梅字伯
長慶元人以薦為翰林國史院檢閱官屢遷至侍講學
士泰定初辭歸四年卒追封陳留郡公謚文清陸晉之
吳郡人元史無傳其結銜為慶元路儒學教授序中有
鳩工度費給以學儲本學官及岱山長共助以足其用
云云按顧炎武日知錄引陸深金臺記聞曰元時州縣

皆有學田所入謂之學租以供師生廩餼餘則刻書工
大者合數處為之故讐校刻畫頗有精者今證以晉之
所言適相脗合第此書撫印不佳耳

關補卷二三十七卷十二十七卷十五十二

困學紀聞一函
十一冊

篇目同前 牟應龍序後陸晉之序俱不載
此書板較大非陸晉之所校刊者故不載其序應龍序
或本有而後失之刻手印工較前部皆高一籌在元刻

中尚為佳本

闕補目錄 三卷二五三十九卷二十七卷六十一三十三

卷七八卷十一四六十九十六十卷十四十五卷十五十一

卷十九二六五卷二十一四三

北戶錄 一函二冊

唐段公路纂龜圖註三卷前唐陸希聲序

公路唐書無傳陸希聲序稱為鄒平公之孫考唐書段

文昌於唐文宗時以御史大夫進封鄒平郡公則公路

乃文昌之孫矣其書皆採嶺南民風土俗飲食衣製歌
謠哀樂有異於中夏者錄而誌之至於草木果蔬蟲魚
羽毛之類有瑰形詭狀者亦莫不畢載謂之北戶錄者
蓋取淮南子云南方之極自北戶之界至炎風之野赤
帝祝融之所司也希聲吳人善屬文由右拾遺歷官至
同中書門下平章事唐書有傳龜圖無考書中目錄後
別行刊臨安府太廟前尹家書籍舖刊行則知是書先
有宋槧此本規仿為之意欲偽充宋刊故猶存尹家之

名耳
 元王元伯藏本
 本朝泰興季氏虞山錢氏亦經收藏錢曾見前考江南志
 元伯金壇人四世不異爨家人百餘口無間言日使諸
 女婦聚一室為女工畢斂貯一庫室無私藏兄宣伯卒
 以家事付兄子軌、辭元伯曰若宗子也宗子宜主之
 相讓既久卒以付軌縉紳之家咸自謂不如至元間旌
 表其門

竹塢

朱文

王印
履吉

白文

季印
振宜

滄葦

朱文
俱序

古吳
王氏

白文
目錄

習古

朱文
墨印
目錄

季振宜
藏書

朱文
墨印
目錄
卷二

虞山錢曾
遵王藏書

朱文
卷二

王氏
元伯

朱文
卷一

王氏
家藏

朱文
序
卷一
卷三

夢溪筆談

八函
冊

宋沈括著二十六卷前括自序

括序稱予退處林下思平日與客言者時紀一事於筆
謂之筆談聖謨國政及事及宮省皆不敢私紀至於繫

當日士大夫毀譽者雖善亦不欲書所錄惟山間木蔭率意談噓不繫人之利害者下至閭巷之言靡所不有云云考宋史括字存中錢塘人擢進士第歷官至龍圖閣待制知審官院出知青州未行改延州以功加龍圖閣學士尋謫均州團練副使元祐初徙秀州繼以光祿少卿分司居潤八年卒此書當屬居潤時所作故有退處林下之語其書曰故事曰辨證曰樂律曰象數曰人事曰官政曰權智曰藝文曰書畫曰技藝曰器用曰神

竒曰異事曰謬誤曰譏謔曰雜志曰藥議共十有七門開雕者雖仿宋槧而撫印不工紙質亦未能堅緻其為元刻無疑

明杜堇藏本考馮仙澁圖繪寶鑑續纂杜堇字慎男有櫿居古狂青霞亭長之號丹徒人占籍京師舉進士不第遂絕意進取為文竒古兼善繪事安陽開國印記無考又有宋徽宗政和二字寶篆粗俗係書賈偽作不足載入

安陽開
國印記

董 杜

俱朱文
每冊首

詩苑叢珠 一函
三冊

元仇舜臣編曹彥文增輯三十卷前曹輓序
輓序作於大德己亥按己亥為元成宗大德三年序後
有至正甲辰菊節西園精舍新刊木記按至正甲辰為
元順帝至正二十四年距輓作序之時已輸六十六載
書分三十六門皆採摘成語取其二三字集成對偶并

附詩聯以備初學搨撫之用係餽釘之書故不顯於當
世歷年既久書賈得之始為開雕宜其刊印草草也舜
臣彥文輓俱無考
元版集部

分類補註李太白詩集 一函
五冊

唐李白著元楊齊賢集註蕭士贇補註二十五卷前載
唐李陽冰宋樂史宋敏求曾鞏毛漸五序劉全白李君
碣記

陳振孫書錄解題曰唐志有草堂集二十卷李陽冰所錄也今按陽冰序文但言十喪其九而無卷數又樂史序文稱李翰林集十卷別收歌詩十卷校勘為二十卷又於館中得賦序書表贊頌等亦為十卷號為別集然則三十卷者樂史所定也家藏本不知何處本前二十卷為詩後十卷為雜著首載陽冰史及魏顥曾鞏四序李華劉全白范傳正裴敬碑志卷末又載新史本傳而姑孰十詠笑矣悲來草書三歌行亦附焉復著東坡辯

證之語其本最為完善則有蜀刻大小二本卷數亦同而首卷專載碑序餘二十三卷歌詩而雜著止六卷有宋敏求後序言舊集歌詩七百七十六篇又得王溥及唐魏萬本同裒唐類詩諸編洎石刻所傳廣之無慮千篇以別集雜著附其後曾鞏蓋因宋本而次第及之耳以校舊藏本篇數如其言然則蜀本即宋本也耶未又有元豐中毛漸題云以宋公編類之勤曾公考次之詳而晏公又能鏤版以傳於世乃晏知止刻於蘇州者然

則蜀本蓋傳蘇本而蘇今不復有云云今觀此本首卷錄賦八篇餘二十四卷皆載謠詩並無雜著與振孫所見諸本不惟卷數參差亦且所收反少雖載陽冰諸人之序而皆不妨其舊矣書中有建安余氏勤有堂刊篆書木記目錄末葉板心記至大辛亥三月刊按辛亥為元武宗至大四年其時勤有堂之名尚存蓋建余氏子孫皆世守其業者也楊齊賢無考蕭士贇字粹可寧都人篤學工詩與吳澄友善所著有冰崖集見西江志

陳惟中收藏印記無考

陳氏 白文 卷四
惟中 卷十 卷九

闕補卷三 三十三

唐翰林李太白集 一函 八冊

唐李白著二十六卷前唐李陽冰序後宋樂史曾鞏毛

漸三序目錄後載薛仲邕編白年譜

此書不載編纂人姓氏前二十四卷皆載歌詩賦則列

於二十五卷其二十六卷專載讚十七篇較前部故多一卷然撫印遜於前部其中錯誤亦多如作序之毛漸並訛為毛述似是坊間自為刊行之本也
明安國錢穀黃姬水俱經收藏安國見前按蘇州志錢穀字叔寶吳人少孤貧失學迨壯始知讀書家無典籍游文待詔門下日取架上書讀之以其餘功點染水墨得沈氏之法黃姬水字淳父長洲人五岳山人省曾之子生而英敏山人出入必攜之俱命學書於祝京兆遂

傳其筆法餘印無考

子

桂坡安國賞鑑

俱朱文陽永序卷二
卷六
卷十
卷十四
卷十五
卷十六

錢穀

朱文年譜
毛序

叔寶

白文卷一
卷五卷九

卷十三 卷十七 卷二十
卷二十三 毛序

黃印 姬水

白文卷一
毛序

山齋

游俠 俱朱文
處士 毛序

集千家註分類杜工部詩 十一函

唐杜甫著宋徐居仁編次黃鶴補註二十五卷前載傳序碑銘一卷註杜詩姓氏一卷年譜一卷

陳振孫書錄解題曰門類杜詩二十五卷稱東萊徐居仁編次未詳何人云云是門類係居仁所編而集千家註之名則自黃鶴為之書分七十二門所列諸詩姓氏始韓愈元稹終以文天祥謝枋得劉會孟共一百五十六家其曰集千家者蓋夸大之詞耳黃鶴字叔似臨川人所著有北窗寓言見西江志書中門類目錄後有皇慶壬子鐘式木記勤有堂鑪式木記傳序碑銘後有建安余氏勤有堂刊篆書木記詩題目錄及卷二十五後

皆別行刊皇慶壬子余志安刊於勤有堂按皇慶壬子為元仁宗皇慶元年前余氏所刊李太白集係至大辛亥與此刻僅隔一年蓋欲以李杜詩集並行於時故刻手印工亦復相等也

闕補卷二十六卷五十一卷七二十七之卷十五三十三卷十九十四十五

集千家註分類杜工部詩二十函
篇目同前後附文集二卷

此書即前版惟將傳序碑銘後建安余氏篆書本記劃去別刊廣勤書堂新刊木記門類目錄後鐘式鑑式二木記尚存而以皇慶壬子易刊三峯書舍勤有堂易刊廣勤堂其詩題目錄後別行所刊之皇慶壬子余志安刊於勤有堂十二字雖亦鏡去而卷二十五後所刊者當時竟未檢及失於削補所增附之文集二卷撫印草草較之前二十五卷亦不相類此拙工所為雖欲作偽亦安能自掩也耶

本朝泰興季氏藏本餘印無考

季振宜藏書

朱文 傳序碑銘首葉詩集卷一之卷四 卷六之卷二十五 文集卷一 卷二

冰雪寒

朱文

雅肅齋印

潘敦景信圖章

俱白文 詩集卷十 卷二十

集千家註分類杜工部詩 一函 六冊

篇目同前闕傳序碑銘一卷年譜一卷文集二卷此本與前第二部為一時撫印之書其卷二十五後雖亦無

皇慶壬子余志安刊於勤有堂一行乃用別紙粘接非由板中鏡去係後之鬻書者知其作偽未周又從而彌縫之耳

闕補詩題目錄 十八卷七十七

集千家註分類杜工部詩 二函二十六冊

篇目同前

此書乃以前版重加翻刻故將建安余氏前後所列之名盡為削去其廣勤書堂新刊木記亦復不存惟以鍾

式木記中三峯書舍四字易刊汪諒重刊而鑪式木記中之廣勤堂則仍其舊汪諒無考觀其去廣勤書堂新刊木記則是堂亦非汪諒所有矣書中註字本小一經翻刻筆畫未免較肥然紙質印工實出前二部之上

闕補卷十一 全卷十五 全

韋蘇州集 一函五冊

唐韋應物著十卷前宋王欽臣序元沈明遠補撰傳馬端臨文獻通考載韋蘇州集十卷未及作序之人考

宋史王欽臣字仲至應天宋城人洙之子用蔭入官文
彥博薦試學士院賜進士及第歷集賢殿修撰知和州
徙饒州斥提舉太平觀徽宗立復待制知成德軍卒欽
臣性嗜古藏書數萬卷手自讐正世稱善本沈明遠元
人史無傳考顧瑛玉山名勝集載明遠吳興人精隸法
玉山草堂春暉樓綠波亭諸額皆其所書又稱其與顧
德輝同時按德輝之子元臣於太祖至元之季為水軍
副都萬戶則明遠為元初人無疑此書當屬欽臣所訂

而明遠重刻於元初者故撫印精好與宋槧猶不相遠
御題韋應物五言詩高遠閒淡世所罕及年至九十餘益造
微妙浮屠皎然工詩嘗擬其體應物語之曰人各有能有不
能子欲為我且失其故步至今傳為知言白居易繼守蘇州
詩云敢有文章替左司其見推重如此惜其文史逸不傳所
傳者特詩集耳是集編次雕鋟雅稱善本予愛讀其詩因書
數語於卷首乾隆甲子九秋三日鈴
寶二曰乾隆宸翰曰幾暇臨池

或謂公詩不琢句不用事不鍊詞不知公之所以為唐
大家者或謂此也晴窗點檢遂為三歎辰翁志沈明遠補得後
右識語一作小行書用筆高古考西江志辰翁姓劉名
會孟廬陵人補太學生壬戌廷試忤賈似道意而理宗
嘉之寘丙第以親老請濂溪書院山長江萬里陳宜仲
薦居史館又除太學博士皆固辭宋亡託方外以歸著
須溪集百卷書中有漱石枕流印當為辰翁託方外時
所寄意者以此證之是書為元初刊本益信

漱石枕流

自序 卷一
卷四 卷六 卷八

增廣註釋音辯唐柳先生集

一函八冊

唐柳宗元著童宗說音註宋張敦頤音辯潘緯增廣音
義正集四十三卷別集二卷外集二卷附錄一卷共四
十八卷前廣劉禹錫原序宋陸之淵序並編集姓氏
陸之淵序作於宋孝宗乾道三年稱予至灤山郡齋雲
間潘廣文携音訓數帙示予比於祝充之註昌黎集云

篇目同前闕別集外集附錄目錄

此本較第二部又遜一籌合觀三書皆非一板何開雕者如是之多而顧草草以從事耶

鄭翼明收藏印記無考

鄭翼

朱文 八分

明記

序

陸宣公集

一函
五冊

唐陸贄著十卷

陳振孫書錄解題曰陸宣公集二十二卷權德輿為之序稱制誥集十三卷奏草七卷中書奏議七卷今所存者翰苑集十卷膀子集十二卷序又稱別集文賦表狀十五卷今不傳據此則陸贄集乃四十二卷至宋已闕二十卷矣振孫所謂翰苑集即制誥集其膀子集係合奏草奏議為一書馬端臨文獻通考專載奏議十二卷蓋因制誥奏議集名既分原可各自單行不必合二十二卷始為全本此書所載皆制誥之文分以十卷即單

行之翰苑集也字朗紙潤洵屬元刊善本

歐陽文忠公文集

五函
四十五冊

宋歐陽修著居士集五十卷外集二十五卷易童子問
三卷外制集三卷內制集八卷表奏書啟四六集七卷
奏議集十八卷雜議集十九卷集古錄跋尾十卷書簡
十卷共一百五十三卷總目後有宋胡柯撰年譜一卷
并記書後有附錄五卷及編校姓氏宋周必大序稱
胡柯記周必大序皆作於宋寧宗慶元二年必大序稱

郡人孫謙益丁朝佐曾三異互加編校起紹熙辛亥之
春迄慶元丙辰之夏始成是書云云按陳振孫書錄解
題曰歐公為一代文宗其集編行海內而無善本周益
公解相印歸用諸本遍校定為此本且為之年譜曰居
士集外集而下至於書簡凡十名列之家塾其子綸又
以所得歐陽氏傳家本乃公之子棐所編次者屬益公
舊客曾三異校正益完善無遺恨矣今以必大序考之
三益本預校讐之列書中並無必大子綸重加編次之

語且年譜係出胡柯之手而非必大所作豈振孫所見
又為別本耶此書字法規仿鷗波深得其妙定屬元時
所重刊者觀其撫印之精非好古者不能為此書前應
有序文似是書賈欲克宋槧遂妄為割去而不知其掩
其善也曾三異宋史無傳凌迪知萬姓統譜載三異字
無疑臨江新淦人少有詩名尤尊經學屢從朱子問辯
因願讀書之堂曰仰高部使薦於朝授承務郎端平初
以秘閣校勘名力辭年八十一卒孫謙益字彥樞丁朝

佐字懷忠胡柯字伯信俱吉州人其事蹟無考

弘治十五年十月二日收入淮東書院一部一百五十

三卷附錄五卷四十五冊留都人獻第四十
五冊末

右識語一作蠅頭楷書而筆法不工乃書院中掌書籍

者所識以取便於稽核耳淮東書院無考按明史地理

志載淮安揚州二府元時隸淮東道宣慰司則書院當

在此二府間也

明李廷相周良金俱經收藏印記見前

周氏
藏書
之印

周印
良金

自娛
而已

俱朱文

周笈
私印

白文

周氏
藏書
之印

濮陽李廷相雙
檜堂書畫私印

俱朱文
每冊

東坡集

一函
十二冊

宋蘇軾著前集四十卷後集二十卷奏議十五卷內制集十卷外制集三卷和陶詩四卷應詔集十卷共一百二卷無校刊姓氏

此書前後俱無序跋密行細書撫印工緻係仿宋巾箱本式欲以之亂真者當屬元初人所為始克有此形似惜紙質鬆脆不能相強耳

元邵桂子藏本明邵亨貞文徵明亦經收藏翠竹齋玉蘭堂諸印見前按鮑楹雪舟詩序青溪邵桂子字德芳太學上舍登咸淳進士任處州府教授宋亡避地雲間贅曹氏居泖湖之蒸溪嘗瀕湖構亭名雪舟著述其間有脞稿十卷脞談二十卷皆以雪舟名之預為生壙號

曰元宅著元宅七銘後七銘續七銘別七銘凡二十八事摹周易作忍默恕退四卦又松江志載邵桂子之孫亨貞字復儒博通經史贍於文辭凡陰陽醫卜佛老之學莫不究其奧洪武間為府學訓導尋戍潁州後歸卒年九十三著有蛾術集

翠竹齋

良

竹塢

江左

俱朱文

玉蘭堂

梅谿精舍

俱白文目錄

亨貞

邵氏復孺

俱朱文前集卷

玄宅

邵子

俱朱文前集卷三

玄之又玄

朱文前集卷三

元宅子邵桂子之父

朱文前集卷二

後集卷十五

乾坤一州亭

朱文前集卷五
後集卷十六

雲間壽樂行窩

朱文前集卷三
後集卷十三

天根玄子窟

朱白間文前集卷三十八

天根月窟

朱文前集卷四
後集卷十七

古香

朱文後集卷十三

桐瀨雪舟

朱文八分後集卷十四

壽樂堂

朱文後集卷十六

玄宅邵桂子之父章

白文後集卷九
卷二十

玄宅邵桂子之父章

朱文內制集卷四

增刊校正王狀元集註分類東坡先生詩

三函三十冊

宋蘇軾著王十朋集註劉會孟批點二十五卷前十朋

序趙夔序并註詩姓氏傳藻撰東坡紀年錄一卷

毘陵邵長蘅作王註正譌稱王十朋分類蘇詩註三十

二卷註中引用故事謬誤實多有極淺陋可為失笑者

十朋為南渡名臣著梅溪集行世史稱其天資穎悟廷

對萬餘言淹通經史其所註蘇詩何至紕繆乃爾又作

註蘇例言稱永嘉王氏註本孤行其失大要有三一曰

分門別類失之陋西蜀趙夔舊序自言此書分五十門

金華呂氏省為三十二門而王氏因之玩其標目了無

意義且就分門之中亦必顛倒次第云云是王氏所分

之三十二門已不免後人訾議今觀此書僅二十五卷

並非王氏三十二卷之舊而所分門類多至七十有六

數且不止於倍之其間篇章之割裂名目之犯複殆有

甚焉而乃於標題下署十朋之名抑何妄耶註詩姓氏

後有汪氏誠意齋集書堂新刊本記假名妄作必是此

人特以其書規仿宋槧撫印清朗尚屬元刻之善者故存之

元柯九思藏本明項元汴本朝季振宜俱經收藏印記見前餘印皆無可考

震宮

朱文王序

大德

朱文王序

明經

白文

振宜

朱文王序

柯九思印

白文王序

朴素居士

朱文註詩姓氏

崇雅

朱文

聽言堂

白文俱紀年錄

龍峯書屋

朱文紀年錄卷二卷五卷七卷九卷十一卷十三卷十六卷六卷二十卷二十二卷二十四

天籟閣書畫印

白文卷二十五

樂城集

二函三十冊

宋蘇轍著前集五十卷後集二十有四卷三集十卷應詔集十有二卷共成九十有六卷無校刊人姓氏是書卷目次第與馬端臨文獻通考所載悉合其版式之工紙墨之善亦與前東坡集相等蓋當時本以二蘇文集合刊撫印係出一手也

書中有文徵明梅溪精舍玉蘭堂二印前東坡集中亦有之而元邵氏收藏印記則為此本所無此本之任氏王氏季氏諸印文不見於東坡集中則知此二書惟歸文氏時曾經合璧其前乎此後乎此者皆各自流傳今離而復合同為五十一卷八十一卷三十一卷冊府之珍亦是刻之幸矣王氏季氏諸印見前其雲間任氏子先一印按任氏為雲間望族松江志載元末有任暉者字東白其父名子文則子先或即子文之伯仲行也

鼎元 季稚 俱朱文
梅谿精舍 玉蘭堂 王印 俱白文
履吉

季振宜 朱文墨印 俱前集目錄
季振宜 讀書 朱文墨印 前集卷四 卷七 卷十 卷十三 卷十六 卷十八 卷二十一 卷二十四 卷二十六 卷二十七 卷三十 卷三十一 卷三十五 卷四十一

卷四二 卷四四 卷四六 卷四八 後集卷一 卷四 卷七 卷十一 卷十四 卷十六 卷二十一 二集卷一 卷四 應詔集卷一 卷六 卷十 雲間任氏子先圖書印 朱文 前集卷四十一

樂城集 七函 四十冊

宋蘇轍著前集五十卷後集二十四卷三集十卷共八

十四卷前集轍曾孫誦序後集宋鄧光跋按前宋版藥
城集後載鄧光并轍曾孫誦四世孫森三跋誦森跋皆
其自書用筆猶秉家法此本森跋已失誦跋並非自書
且移置簡端以為書序是刊刻者未覩宋槧本又安能
撫印精良耶

闕補前集卷六 三十三 卷四十八 十三 後集卷十六 十六

七 三集卷一 二十

伊川擊壤集 二函 十冊

宋邵雍撰二十卷前雍自序

鼂公武郡齋讀書志載邵堯夫擊壤集二十卷稱堯夫
隱居洛陽熙寧中與常秩同召力辭不起遂於易數始
為學至二十年不施枕而睡其精如此歌詩蓋其餘事
亦頗切理盛行於時自為之序云云是宋時擊壤集雍
所自刊此本亦仿宋槧式而標為伊川者蓋據宋史雍
葬親伊水上遂為河南人也

黃太史精華錄 一函 二冊

欽定天祿琳琅書目

卷六

三七 東武錫氏

宋黃庭堅著任淵選八卷前淵序後朱承爵跋陳振孫
書錄解題載黃山谷詩二十卷新津任淵註稱其不獨
註事而兼註意惜宋史無任淵傳始末不可考淵既嘗
註庭堅詩則是書所錄擇焉必精朱承爵跋不記年月
觀其跋稱任子淵精華錄選予嘗得其目錄蓋宋元祐
間刻板而亡其文愚輯其辭而完刻之云云是承爵必
非宋人以版式紙質定之當屬元時刊本無疑
陳氏收藏諸印無考

涌石山房

練江陳昂之印

天都陳氏承雅堂圖籍

俱朱文

東阜先生後人

白文俱序卷三卷五

陳氏藏書子孫永寶

朱文卷二卷四卷八

屏山集 二函 十二冊

宋劉子翬著二十卷前宋胡憲序朱子撰遺帖跋墓表
後朱子屏山集跋
考宋史劉子翬字彥冲建州崇安人贈太師幹之仲子

以父任授承務郎辟真定府幕屬韜死靖康之難子翬
痛憤幾無以為生服除通判興化軍賊不敢犯旋以羸
疾辭歸武夷山不出者凡十七年與胡憲劉勉之友善
而期以任重致遠者惟新安朱子而已年四十七卒學
者稱屏山先生胡憲字原仲亦崇安人紹興中以鄉貢
入太學會伊洛學有禁歸故山力田賣藥以奉其親賢
士大夫高仰之以其行義聞於朝上屢召之憲辭母老
乃賜進士出身授左迪功郎添差建州教授除秘書正

字以病請歸紹興三十二年卒年七十七書中憲序作
於紹興三十年稱彥冲歿後越十有三年其嗣子珩始
編次其遺文得二十卷朱子後跋乃作於乾道九年距
子翬作序時又越十有三載稱先生啟手足時珩年甚
幼以故平生遺文多所散逸後十餘年始復訪求以補
家書之闕然皆傳寫失真同異參錯於是反復讐行又
十餘年始克成書云云是胡憲作序在訪求散逸之後
而朱子作跋係讐訂已成之時也至朱子所撰遺帖跋

在慶元五年距作集跋時又踰二十六載跋中皆珍惜遺墨之意與是書無關乃刊行者借以取重耳評宋史無傳凌迪知萬姓統譜載珥字平父仕為從仕郎自號七省翁每與諸名賢唱和有詩集行世

雲停印無考

雲停

朱文 每冊後副葉

象山先生集

三函 十八冊

宋陸九淵著正集二十八卷外集五卷共三十三卷前宋楊簡素燮吳杰三序

馬端臨文獻通考載象山文集二十八卷外集四卷并錄素燮序文今觀此書外集係五卷其第五卷乃錄孔煒丁端祖所撰謚議二篇然則九淵外集仍止四卷也文獻通考不載楊簡吳杰二序按簡序作於寧宗開禧元年燮序作於寧宗嘉定五年相去已越八年之久吳杰序作於嘉定十三年後燮序又經八載燮序稱為刊

於倉司而杰序則云聞建安狀元陳公子孫喜與人同其善敬送上件文集請用刊行仍以二賢謚議次於其後云云是瑞臨所見者係袁燮刊行之本此本為陳氏所刊謚議亦吳杰補錄非復袁本之舊矣外集卷五後有辛巳歲孟冬月安正書堂重刊木記按嘉定十三年歲在庚辰則木記所紀辛巳當為嘉定十四年但此書墨闇紙黝決非宋本當屬元時翻刻之書考宋史九淵字子靜撫州金谿人登乾道八年進士第歷官知荆門

軍卒謚文安當與朱子論辨所學多不合門人楊簡袁燮輩皆傳其學馬楊簡字敬重慈谿人乾道五年登進士第授富陽主簿會九淵道過遂執弟子之禮歷官至寶謨閣直學士轉朝議大夫慈溪縣男繼以寶謨閣學士大中大夫致仕卒袁燮字和叔鄞縣人入太學登進士第調江陰尉官至寶文閣待制進直學士奉祀以卒初入太學陸九齡為學錄以道義相磨切厥後見九齡之弟九淵遂師事焉學者稱之曰潔齋先生吳杰江西

南城人事蹟無考

元趙孟頫藏本明陶宗儀

本朝黃虞稷俱經收藏孟頫虞稷見前

考明史宗儀字九成黃巖人少試有司一不中即棄去

洪武六年命有司舉人才皆及宗儀宗儀引疾不赴晚

歲有司聘為教官非其志也所著輟耕錄三十卷又葺

說郛書史會要四書備遺並行於世

松雪齋

陶九成藏書印

俱朱文 表序 卷二 卷三 卷五 卷六 卷九
卷十一 卷十三 卷十五 卷十七 卷二十 卷二十一 卷二十二

黃印 虞稷

白文

俞邵

朱文 卷一之卷三 卷五 卷六 卷九 卷十一
卷十三 卷十五 卷十七 卷二十 卷二十一 卷二十二
外集目錄 卷三 卷四

金臺集 一函 二冊

元迺賢著危素編二卷前歐陽元李好文黃潛三序後

虞集張起巖詩泰不華今改正曰識語貢師泰揭傒斯

危素程文楊彝五序

危素序稱易之金臺前稿余既序之矣乃再至京師又得後稿一卷云云今書有二卷當是前後稿並刊而無危素前序蓋偶佚之書中諸賢序詩識語皆至正間所作當時心折易之匪特文章各盡所長書法亦兼其妙真行篆隸無體不具則無體不精而摹刻者又能得其精神不失銖黍選紙選墨印而傳之豈獨為元刻之冠即置之宋槧佳本中又何多讓焉迺賢元史無傳按浙江通志迺賢字易之先世居金山之西元興西北諸部

仕中朝者多散處內地故易之稱南陽人隨其兄宦遊江浙卜居於鄞再至京師以能文名尤長歌詩久之歸浙東辟為東湖書院山長以薦授翰林編修官尋卒元史歐陽元字原功瀏陽人延祐二年賜進士出身由平江州同知官至翰林學士承旨進階光祿大夫年八十五卒追封楚國公謚曰文李好文字惟中東明人登至治元年進士第由大名路濬州判官入為翰林國史院編修歷官至翰林學士承旨階榮祿大夫尋屢引年乞

致仕遂拜光祿大夫河南行省平章政事仍以翰林學士承旨一品祿終其身黃潛字晉卿義烏人中延祐二年進士第由台州寧海丞歷官侍講學士同知經筵事年八十一卒追封江夏郡公謚曰文獻虞集字伯生蜀人僑居臨川以薦授大都路儒學教授歷官奎章閣侍書學士年七十七卒贈江西行中書省參知政事護軍封仁壽郡公張起巖字夢臣濟南人年弱冠以察舉為福山縣學教諭中延祐乙卯進士首選除同知登州事

特旨改集賢修撰屢遷至翰林承旨進階榮祿大夫泰不華字兼善家於台年十七江浙鄉試第一明年進士及第授集賢修撰累官至浙東道宣慰使死於方國珍之難追封魏國公謚忠介貢師泰字泰甫宣城人肄業國子學為諸生泰定四年釋褐出身授從仕郎由太和州判官屢遷至戶部尚書俾分部閩中未幾召為召書卿行至杭之海寧得疾而卒揭傒斯字曼碩龍興富州人以薦授翰林國史院編修官遷侍講學士同知經筵

事進階中奉大夫卒追封豫章郡公謚曰文安明史危素字太樸金谿人至正元年用大臣薦授經筵檢討歷官參知政事除翰林學士承旨出為嶺北行省左丞言事不報棄官居房山尋起為承旨甫至燕都明師已入素投報恩寺井中僧大梓挽之出洪武間官宏文館學士後謫居和州守余闕廟歲餘卒程文揚彛俱無傳揚彛未詳其人新安志載程文字以聞婺源人以薦入直翰林拜南臺御史擢禮部員外郎卒

收藏諸印無考

河南陸氏
家藏書籍

朱文
歐陽序

後素

松陵
草堂

石田
茅屋

俱白文
卷二

文選

六函
六十一冊

梁昭明太子蕭統撰唐李善註六十卷前蕭統序李善上文選註表唐呂延祚進五臣集註文選表書中每卷標題下於李善註次行刊奉政大夫同知池州路總管府事張伯顏助率重刊張伯顏無考其撫刻此書頗得

宋槧模範第書中祇收李善一人之註而又錄呂延祚
進五臣註表未免自淆其例矣

兩漢文鑑 二函
二十冊

宋陳鑑編西漢文二十一卷東漢文十九卷共四十卷
前鑑自序

陳鑑宋史無傳自署為建安人其始末亦無考序作於
端平甲午按甲午為宋理宗端平元年稱余作兩漢史
節積十餘年而功始竟至若名公鉅卿忠言嘉謨何敢

一字妄加節畧是以別為一編云云考馬端臨文獻通
考載陶氏西漢文類二十卷竇氏東漢文類三十卷初
未言及此書其史部中亦不錄陳鑑史節豈鑑本非知
名之士著述不顯於時抑其書未經付刊逮元而始有
是刻耶
收藏二印無考

吳下
阿明

朱文序 西漢文卷一卷三卷五卷七卷十
卷十一卷西卷六卷六卷十東漢文目錄卷二
卷四卷六卷七卷八卷九卷十卷十一卷十二卷十三卷十四卷十五卷十六卷十七卷十八卷十九卷二十

松郡
朱氏

白文
序

闕補西漢文卷六十八卷十六十七之東漢文卷十三十八

三國志文類二函二十冊

六十卷無編纂姓氏

馬端臨文獻通考載三國文類四十卷引陳振孫語曰不知何人集考宋史藝文志亦稱是書不知集者名氏然所載係六十卷與通考異今觀此本卷數適與藝文志符合則端臨所稱四十卷者尚非全書得此元刊亦足証宋本之誤矣

明晉莊王鍾鉉藏本印記見前餘無考

晉府書畫之印

朱文卷一卷十二卷三卷三卷三卷九卷完

敬德堂圖書印

子子孫孫永寶用

俱宋文卷一卷元卷三卷六卷完卷三

白堤錢聽默經眼

朱文卷六

續文章正宗

一函十冊

宋真德秀撰二十卷後宋倪澄梁椅鄭圭三序前宋版續文章正宗祇載倪澄鄭圭二序不錄梁椅序文蓋閱

歲久而佚其一篇也此本出自元刊撫印雖所不及然三序得全亦參考一助按兩浙名賢錄梁椅字子奇麗水人登嘉熙進士第除太常司丞權禮部郎官晚年慕程朱之學編輯遺論名曰論語翼

明徐達藏本有魏國公印嚴嵩亦經收藏有鈴山堂印考明史徐達字天德濠人年二十二從太祖軍所向克捷謀畧甲諸將初以平吳功封信國公洪武三年進封魏國公十八年卒年五十四追封中山王謚武寧嚴嵩

字惟中分宜人舉宏治十八年進士改庶吉士授編修移疾歸讀書鈴山十年還朝進侍講累官至華蓋殿大學士太子太師竊政二十年天下咸目為奸臣年八十五黜為民寄食墓舍以卒今觀書中本有禮部官書朱文長印俱為嵩鈴山堂諸印所掩考明禮部尚書鄭賜奉詔訪購遺書係永樂四年之事徐達以洪武十八年先卒則知此書乃先為達所藏而後入於禮部者至嵩以私印鈐蓋官印之上明是嵩入直文淵閣仍掌禮部

事時攘取官書以為己有小人貪邪無所不至即一書可見矣劉文耀印無考

鈐山堂 朱文目錄卷之
藏書印 卷六 鄭序
鈐山堂 朱文目錄卷之
圖書印 卷之卷十八 鄭序
魏國 朱文
圖書 卷十

仕學齋 朱文卷十一
圖書 鄭序
劉印 白文
文耀 鄭序
奕世珍藏 朱文卷九
永寶無斁 鄭序

類編層瀾文選 一函四冊

前集十卷後集十卷續集十卷別集十卷共四十卷無

編集姓氏

此書前後俱無序跋前集目錄前有木記識語稱將舊集所選古文重加增錄分為前後續別四集前集類編賦詩雜語雜著以便初學者誦習後續別三集類編記傳等作以便作文者披閱云云其書始自楚騷終於北宋每卷標題下別行刊雲坡家塾鼎新刊行係當時帖括之書書賈刻以謀利者故仿宋巾箱本式取易售耳蕭德源收藏印無考

古吳蕭
德源氏

朱文
每冊首

闕補前集目錄五後集卷八五

新編古賦題二函
八冊

前集十卷後集八卷共十八卷無編集人名姓氏
此與前部同類之書也亦仿巾箱本式標題下別行刊
翠巖劉氏家塾新編兩集目錄後均有木記識語紀年
為天歷己巳庚午係元文宗初年刊行之本其書於經

嘉蔭鈔書

史子集中類纂賦題各疏本末於下蓋為應試者揣摩
之用前集仍有未備爰纂後集以補之
明毘陵周氏藏本印記見前尚古堂印無考

毘陵周氏九松
迂叟藏書記

周印
良金

俱朱文前集目錄卷三卷五卷六首末卷七
卷十後集目錄卷三首末卷三卷四卷六卷八

尚古堂

朱文

圖書印

前集後集目錄

闕補後集卷三二

欽定天祿琳琅書目

卷六

辛

東武鐺氏

新編事文類聚翰墨全書 十函八十冊

元劉應李編甲集十二卷乙集九卷丙集五卷丁集五卷戊集五卷己集七卷庚集二十四卷辛集十卷壬集十二卷癸集十一卷後甲集八卷後乙集三卷後丙集六卷後丁集八卷後戊集九卷共一百三十四卷前元熊禾序並全書總目及諸道圖

考宋建安祝穆撰事文類聚一書先以羣書要語次以古今事實次以古今文集分綱列目采摭頗詳此本雖

襲其名而所分門類二十有五皆取便於書問之往來文書之酬應世俗鄙俚之言無所不載非復祝穆所輯之舊矣劉應李熊禾元史俱無傳凌迪知萬姓統譜載應李字希泌建陽人初名榮登咸淳甲戌進士調建陽主簿入元不仕退與熊禾胡廷芳講道於淇源山後建化龍書院於莒澤聚徒講授學者雲集顧嗣立元詩選載熊銖字位辛初名禾字去非居建陽之鼇峯志求瀛洛之學訪朱子門人輔氏而從遊焉宋度宗咸淳十年

